



قواعد عربی

۱

مصرف عثمانی



مطبعة عثمانیه

مدير مكتبة



استانبول

(مطبعة عثمانیه) ده طبع اولنشد

۱۶۵

۱۳۰۱



— صرف عثمانی —



از
سلیم ثابت



مدیر مکاتب رشديه

(مطبعة عثمانیه ده طبع اولنشد)

۱۳۰۷

صرف عثمانی

بِسْمِ اللَّهِ الرَّحْمَنِ الرَّحِيمِ

علم صرف کلمه لرك اشتقاق و احوالندن بحث ايدر برفندر
(کلمه) حرفلرك جمع و ترتيبندن تشکلی ايدوب بر معنایه
دلالت ایدن لفظه ديرلر

(حرف) دخی بر حرکت مخصوصه ایله آغزندن چیقان
صدایه دنیلورکه لسان عثمانیده اوتوز اوچدر

(ا ب پ ت ث ج ح خ د ذ ر ز ژ س
ش ص ض ط ظ ع غ ف ق ک ک ل م
ن و ه ی)

بونلره حروف هجا تعبیر اولنورکه املا جهتیله متصل
و منفصل قسملرینه منقسمدر

(حروف متصله) یازیده بر برینه ربط اولنان حرفلردرکه

یکرمی آلتیدر (ب پ ت ث ج چ ح خ س ش
ص ض ط ظ ع غ ف ق ک ک ل م ن ه ی)
(حروف منفصله) املاده یالکز ماقبلارینه بیتشوب
مابعدلرینه ربط اولنمیان حرفلردر که بونلرده یدیدر
(اذ ز ژ و) حرفلره طارض اولان صدالری
بیلدیرمک ایچون هر لسانده برطاقم علامت مخصوصه
وضع اولنمشدرکه آنلره دخی حرکه دینلور لسان
عثمانیده ایکی نوع حرکه موجود و مستعمل اولوب برینه
حرکه رسمیه دیکرینه حرکه حرفیه دیرلر

(حرکه رسمیه) یالکز لسان مذکوره مخصوص
اولیوب عربی و فارسی لسانلرنده دخی قوللانیلان شو
(.....) اوچ درلو رسم و علامتلردر که
ترجکه (اوستون اسره اوتره) صریحه (قحه کسره
ضمه) دینلور

(حرکه حرفیه) یالکز لسان عثمانییه مخصوص
اوله رق حرکه مقامنده قوللانیلان شو (ا ه ی و)
درت حرفلردر که آنلره حروف املا دخی دینلوب
(ا ه) قحه (ی) کسره (و) ضمه مقامنده قوللانیلور
قط (ا ه) دائما کلمه نك آخرنده واقع اولوب اولنده
واورطه سنده بولنده من

كرك/حركه رسميه و كرك حركه حرفيه دن هر برلری
خفيف و ثقیل اوله رق ايكيشر نوع اولدقلرندن بومقامده
هر برینه برر مثال كتوريله رك تفصیلی مناسب كورلدی
مثلا قحه خفیفه (بن و بنده) لفظلرنده بولنان حركلر
وقحه ثقیله (قیا و قره) لفظلرینك حركلری كبی

كذلك كسره خفیفه (دل و دیش) لفظلرنده بولنان
حركلر و كسره ثقیله (قرق و قیل) لفظلرینك حركلری
كبی فقط ضمه خفیفه ایله ثقیله دن هر بری (مبسوطه
و مقبوضه) اوله رق تكرار ايكيشر قسمه منقسمدر

(ضمه خفیفه مبسوطه) دوداقلری بر مقدار آچه رق
و (خفیفه مقبوضه) دوداقلری براز قپایه رق خفیفه
تلفظ اولنورلر (یوز و كوز) لفظلرینك ضمه لری كبی
(ضمه ثقیله مبسوطه) كذلك دوداقلری براز آچه رق
(و ثقیله مقبوضه) دوداقلری بر مقدار قپایه رق
قالنجه تلفظ اولنورلر (قوج و قوزی) لفظلرینك
ضمه لری كبی

ایمدی ضمه مقامنده قوللانیلان اشبو (واوك) درت
درلو صداسی بولندیغی كبی عربی و فارسی و صاغر
(كافلر) دخی شكلیجه یكدیكره بكره دیكى جهتله بونلر

بر بردن فرق و تمییز اولنق اوزره بعض اشارتله اختراع
و استعمالی لازم کلور که بواشارتله (القبای عثمانی)
رساله مزده کوسترلمشدر

بوندن صکره معلوم اوله که لسان عثمانی فی الاصل (چغطای
و عربی و فارسی) لسانلرینک الفاظ و شیوه سندن مرکب
بر لسان اولدیغی جهتله الفاظ مذ کوره نک احوالی آیری
آیری برر بایده بیان اولنه جغندن اشبورساله دخی اوچ
باب اوزرینه ترتیب اولنوب (باب اول) کلمات ترکیه
(باب ثانئ) کلمات عربیه (باب ثالث) کلمات فارسیه نک
تصریف و املاری بیاننده اوله جقدر

❦ باب اولی کلمات ترکیه بیاننده در ❦

معلوم اوله که کلامک ترکیب ایتدیکی کلمه لر بش نوعدر
(اسم . صفت . فعل . کنایه . ادوات) اولوب بونلردن
هر بررلری برر فصلده ذکر و بیان اولنه جغندن باب اول
بش فصلی شامل اولور

❦ فصل اول اسمای ترکیه بیاننده در ❦

(اسم) زماندن مجرد اوله رق خار جده و یاذهنده موجود
اولان بر شیئه دلالت ایدن کلمه لردر که ایکی قسم اولوب
برینه (اسم جنس) دیگرینه (علم) دینلور

(اسم جنس) برشیئک هر فردینه اطلاق صحیح اولان
لفظدر (ارسلان و آغاج) لفظلری کبی که ارسلان
جنسینک هر فردینه ارسلان و آغاج جنسینک هر فردینه
آغاج دینیله بیلور

(علم) یالکز برشیء معینی افاده ایدن لفظدر (بروسه
و طونه) لفظلری کبی که بروسه دینلان شهر معلومدن
بشقه شهرلره بروسه و طونه دینلان نهر مشهوردن ماعدا
نهرلره طونه دینیله من

اسمک بیان و افاده ایتدیکی شیء بر و یالکز ایسه آنلره
(مفرد) دیرلر (آت و اوت) کبی واکر بر و یالکز
دکل ایسه (جمع) دینلور که مفردلرک آخرینه لامک
فتحیه (لر) اداتک علاوه سیله یاییلور (آنلر و اوتلر)
کبی فقط عددلره مقارن اولان اسملر هر نقدر بردن
زیاده شیء بیان و افاده ایدرلر ایسه ده (لر) ادات جمعنی
آلمیه رق عادتاً مفردلر کبی استعمال اولنورلر
بو صورتده یکر می بش غروش دینلوب یکر می بش غروشلر
دیناله من

کذلک (علملر) دخی دائماً مفرد اوله رق قولانیلوب
جملنه مدکلرندن (بروسه لر و طونه لر) دینیلک صحیح
دکلدر

تنبیه

الفاظ ترکیه ده تأنیث و تذکیر معتبر اولدیغندن مؤنثلر ایچون بر علامت مخصوصه وضع اولنمیوب فقط بعض کره بر شیئ مذکر اولدیغنی اشعار ایچون (ارکک) و مؤنث اولدیغنی افاده ایچون (دیشی) لفظلری اسملرک اولنه کتوریلرک اول شیئ جنسی بیان اولنور (ارکک) ارسلان (دیشی) ارسلان کبی

فائده

اسملر آخرلرینه لاحق اولان اداتلر اعتباریه دخی باشلوجه درت نوعدر

(اسم مکان . اسم تصغیر . اسم منسوب . اسم وصفی)
 (اسم مکان) بر شیئ محل و مکانی کوسترین لفظدر که اسملرک آخرینه خفیفلرده لامک کسریله (لک) و ثقیللرده (اق) اداتلرینک علاوه سیله حاصل اولورلر (چیچکک لیونلق) کبی بونلرک بعضیلری دخی اسم منسوب مقامنده قوللاییلور (یازلق قیشلق) کبی (اسم تصغیر) بر شیئ کچوکلکنی افاده ایدن لفظدر که اسملرک آخرینه خفیفلرده جیمک کسریله (جک) و ثقیللرده (جق) اداتلرینک علاوه سیله یاپیلور (اوجک یالچق) کبی بعض کره ادات تصغیردن

صکره ماقبلی مفتوح برده (زای) سا کنه کتوریلوب
 (اوجکز یا یجغز) دینلور بوصورته (جق) اداتنک
 قافی حرکه لندیکندن (غینه) و (جک)
 اداتنک کافی کاف فارسی به تبدیل اولنق اصول
 املا دندر

تنبیه

اسم تصغیر یا پیله جق کله لک آخرنده (ق) و یاخود
 (ک) بولندیغی صورتده تخفیف ایچون بعض کره
 بوحر فلر حذف اولنوب ماقبلاری مفتوح ایسه قتحه یی
 بیان ایچون ثقیلارده بر (الف) و خفیفلرده بر (های)
 رسمیه کتوریلور (یوشاجق دوشه جک) کبی مکسور
 و یاخود مضموم اولدیغی حالده کذلک کسره یی بیان
 ایچون بر (ی) و ضمه مقامنده بر (واو) املا یازیلور
 (بیوجک چو جیجق) کبی فقط شوایکی صورتده ادات
 تصغیر قتحله او قونور

اسم منسوب

برشیئک دیکر برشیئه نسبت و مناسبتنی افاده ایدن
 لفظدرکه اسملک آخرینه (لو) و یاخود (لی) اداتلرینک
 علاوه سیله یاپیلور (کوچلو قوتلی) کبی هجای اخیر

اگر مضموم ایسه (لو) و مفتوح و مکسور اولدبغی
 حالده اکثری (لی) اداتی کتوریلور
 اسم وصفی

بر ذاتک بر ایش و کار ایله دوام اوزره اشتغالنی بیان
 و افاده ایدن لفظدرکه اسملرک آخرینه جمیک کسریله بر
 (جی) اداتی کتوریلهرک یاپیلور (اتمکجی صوجی) کبی
 فصل ثانی صفات ترکیه بیاننده در

(صفت) اسملرک اولنه علاوه اولنوب حال و کیفیت
 بیان ایدن لفظلردر (ایو خوی کوزل عادت) کبی که
 (ایو و کوزل) لفظلرینه صفت (خوی و عادت) لفظلرینه
 دخی موصوف تعبیر اولنور

لسان عثمانیده صفتلر ایکی نوع اولوب برینه صفت
 سماعیه دیگرینه صفت قیاسیه دیرلر (صفت سماعیه)
 ایشتمک ایله بلله نیلان صفتلردرکه الوان و عیوب و حسن
 و قبحه دلالت ایدرلر (کوزل و چیرکین و صاری و تنبل)
 لفظلری کبی (صفت قیاسیه) بر قاعده ایله یاپیلان
 صفتلردرکه بونلرده (اسم فاعل . اسم مفعول . صفت مشبهه .
 صفت مبالغه) صیغه لری اولوب افعال فرعیه صره سنده
 ذکر و بیان اولنه بقدر

تنبیه

بر کلمه نك صفت اولوب اولمديغي قولايجه آكلاشلق
اوزره اول كلمه دن صكره (كمسه ونسنه) لفظلر دن
بری وضع اولندقدده اكر معنا صحيح اولور ايسه صفت
واكر معنا صحيح اولمز ايسه اول كلمه نك صفت اولمديغي
معاوم اولور (بيوك كيمسه وكوزل نسنه) كبی
صفت سماعيه لك اولنه مبالغه ايچون بر طاقم مهملات
وضع اولنوب (صاپ صاری بوس بتون يم يشیل)
دينلور كه بومثلاو مهملات انجق صفترلر لاحق اولوب
سائر كلمه لره علاوه قلنه مديغندن صفترلر بوسورتله دخی
انفاظ سائر دن تفريق اولنور

فائده

صفترلر آخريته بعض كره خفيفلرده لامك كسريله (لك)
وثقيللرده (لق) ادا تلى لاحق اولوب مصـدریت
معناسنی افاده ايدر (بياضلق كوزلاك) كبی و بعضاً
دخی جيمك قتحيله (جه) اداتی لاحق اولوب تصغير
معناسنی افاده ايدر (بيوكجه كوزلجه) كبی

اسمای اعداد

(اسم عدد) صايلری افاده ایدن بر طاقم لفظلردر كه

کندولرنده وصفیت معناسی بولندیغندن صفقلر ضرره سنده
ذکر و بیان اولنق مناسب کورلدی اسمای مذکوره
(اصلیه . رتبه . کسریه . توزیعیه) قسملرینه منقسم
اوله رق درت نوعدر

اعداد اصلیه

ذات عددلرک اسملریدرکه فن حسابده بردن بیکه قدر
اوج مرتبه اعتبار اولنوب بواوج مرتبهیه (عقد اول)
دیرلر بیکدن ملیونه قدرینه اوج مرتبه اعتبار اولنوب
(عقد ثانی) کذلک ملیوندن ملیاره قدر اوج مرتبه
اعتبار اولنهرق (عقد ثالث) دینلوب بومنوال اوزره
الی غیرنهایه تعداد اولنور

فن مذکورده اول مرتبه لره (آحاد عشرات مات)
دیرلرکه جله عددلر بونلرک بربرله ترکیندن حاصل
اولورلر

اعداد رتبه

برشینک درجه و مرتبه سنی اشعار ایدن صایلردرکه
اعداد اصلیه نك آخرلرینه نونك سکونیه بر (نجی)
اداتی کتوریه رک حاصل اولورلر (برنجی ایکنجی)
کبی فقط آخرلرنده (ی) بولسان عددلرده اول یانک

حذفی و (ت) بولسان یرلرده تانک داله تبدیلی اصول
املاندنر (دردنجی ویدنجی) کبی

اعداد کسریه

واحد فرض اولنان بر مقدارک بعض اجزاسنی اشعار ایدن
صایلر در که اعداد اصلیه نك آخر لینه بر (ده) ادائی
کتورلدکده مقدار مفروض حاصل اولوب اجزای
مذکوره دخی ینه اصلیه نك بر یله افاده اولنور (اوچده بر
واونده درت و یوزده قرق) کبی

اعداد توزیعیه

بر مقدارک مساوات اوزره بلونمش اولان قسملرینی
اشعار ایدن صایلر در که آخر لری (ی) اولمیان اعداد
اصلیه ده ماقبلی مفتوح بر (رای) ساکنه زیاده
و (ی) بولنان یرلرده شینک فتحیله بر (شر) ادائی
علاوه قلنه رق حاصل اولور لر فقط آخر لری (ت)
اولان عددلرده اول تانک داله تبدیلی اصول املاندنر
(دردر بشر ویدیشر) کبی

فائده

اعداد اصلیه ایله توزیعیه نك آخر ینه خفیضلرده لامک
کسریله (لک) و ثقیللرده (لق) اداتلری لاحق

اولدوقده نسبت معناسنی افاده ایدر (بشلك آلتیلیق) کبی
ادوات مذکورہ اعداد رتبیہ نك آخرینہ داخل اولدوقده
مصدریت معناسنی افاده ایدر (برنجیلاک بشنجیلک) کبی

❦ فصل ثالث افعال ترکیبہ بیاننده در ❦

(فعل) خارجده ویاذهنده برایشه دلالت ایدن کلمه لر در که
(اصلی . وزمانی . وفرعی) قسملرینه منقسم اوله رق
اوج نوعدر

❦ فعل اصلی ❦

کندوسنده ذات وزمان ملاحظه اولنمیه رق برایشه دلالت
ایدن افضلدر که دیگر فعللرک اصل و مأخذی اولدولرندن
بونلره (مصدر) دینلور لسان عثمانیده مصدرلر دخی
(فعلی . اسمی . وصفی) قسملرینه منقسم اوله رق اوج
نوعدر

❦ مصدر فعلی ❦

مادهٔ اصلییه سی فعل اولان کلمه در که آخری میم فتحبله
خفیلرده (مک) وثقیلارده (مق) اداتلریله نهایتلنور
(یازمق وچیزمک) کبی

❦ مصدر اسمی ❦

مادهٔ اصلییه سی اسم اولان کلمه در که آخری لامک

و میمک فتحه لر یله (لمک) و یاخود (لمق) ایله کلور
(دیشلمک و طاشلمق) کبی

مصدر وصفی

مادهٔ اصلیه سی صفت اولان کلمه در که آخری لامک فتحی
و شین و نونک سکونیه خفیفلرده (لشمک) و یاخود (لئمک)
و ثقیللرده (لشمق) و یاخود (لئمق) اداتلریله نهایتلنور
(ایولشمک ایولئمک و فنا لشمق و فنا لئمق) کبی بعض کره
صفتلرک آخرلرینه مصدر اسمی و اسملرک آخرلرینه مصدر
وصفی اداتلرینک علاوه سیله دخی مصدر یاپیلور (کریمک
و اولئمک) کبی

تنبیه

بعض کره مصدرلرک آخرینه خفیفلرده لامک کسر یله
(لک) و ثقیللرده (لق) اداتلری لاحق اولور که بونلره
مصدر تأکید دینلور (یازمقلق چیز مکک طاشلمقلق)
کبی و بعض کره دخی ادات مصدرک کاف و قافلری
حذف اولنهرق یرلرینه بر (های) رسمیه کتور یلوب
بونلره دخی (مصدر تخفیفی) دیرلر که اکثریسی
اسم مفعول معناسنه در (یازمه و ایشله و ایولشمه
کبی و بعضا دخی مصدرلردن (مک و مق)

لفظی حذف اولنوب یرلرینه ماقبلی مکسور بر (شین)
 ویاخود بر (میم) ویا بر (جیم) ساکنه ویاخود بر (تی)
 اداتی کتوریلدرک بر طاقم صیغه لر تشکل ایدرکه بونلرده
 (حاصل مصدر و اسم مصدر) تعبیر اولنه (چالم صاتش
 سونج وکزنقی) کبی فقط (میم و جیم و تی) اداتلریله اولان
 اسم مصدر لر مطرد اولدرق هر ماده دن یاپیله میوب یالکز
 بعضی مصدر فعلیلردن کاورلر

املا

مصدر یاپیله جق ماده اصلیه نك آخری یا متحرک
 ویاخود ساکن اولور متحرک اولدیغی صورتده اگر
 مضموم ایسه ضمه یی بیان ایچون ادات مصدردن اول
 بر (واو) املا یازیلور (او قومق و ایلر و ملک) کبی
 واکر مکسور ایسه کسره یی بیان ایچون بر (یای) املا
 تحریر اولنور (یوریمک و فاریمق) کبی مفتوح اولدیغی
 حالده اگر حرکه ثقیله دن ایسه فتحه یی بیان ایچون
 بر (الف) املا یازیلور (آرامق و طرامق کبی) واکر
 حرکه خفیفه دن ایسه فتحه یی بیان ایچون بر (های)
 رسمیه کنوریلور (استه مک و اوده مک) کبی فقط
 بو(های) رسمیه اکثری ترک اولنور (استمک بکلمک) کبی

ماده اصلیه نك آخری متحرك اولان مصدر فعلیلر ایله
مصدر اسمیلرک حاصل مصدر لرده دخی شیندن اول
بر (یای) مکسوره کتورنک اصول املانددر (آرایش
استدیش) کبی

بوندن صکره معلوم اوله که مصدر و مصدرلردن یاپیلان
فعللر یا متعدی و یا لازم اولورلر

(متعدی) کند و سندن صکره (کیمی ونه یی) کله لرینک
(بریله) سؤال صحیح اولان فعللردر که بونلر دائماً بر مفعول به
آلور (اقر بایی سومک سوزلرینی طوتمق) کبی
نته کیم مثال مذکورده (سومک کیمی اقر بایی و طوتمق
نه یی سوزلرینی) دینلک صحیح اولدیغندن (سومک
و طوتمق) فعللری متعدی اولوب (کیمی ونه یی) کله لرینه
جواب واقع اولان (اقر بایی و سوزلرینی) لفظلری
دخی مفعول به اولور (لازم) کند و سندن صکره
(کیمی ونه یی) کله لرینک بریله سؤال صحیح اولیان فعللردر
(کولمک و باتلق) کبی که بونلردن صکره مذکور کله لر ایله
سؤال صحیح اوله من

ایمدی مصدر و صفیلرک کافه سی لازم و اسمیلر متعدی
اولوب مصدر فعلیلرک دخی برطاقی متعدی و برطاقی لازم
قیلندن اولمش اولور

فائده

فعل متعدیلر دائماً بر مفعول به آلوب بعض کره مفعول به آلدقن صکره (کیمه ونیه) کلمه لر یله دخی سـؤال صحیح اولور که بونلرک جوابلرنده واقع اولان لفظلره دخی مفعول الیه دیرلر مثلاً (ویرمک) نه بی کتابی کیمه خواجه یه (کتابی خواجه یه ویرمک) عباره سنده کتابی مفعول به خواجه یه مفعول الیه اولوب (ویرمک) فعلی هم مفعول به و همده مفعول الیه آلمشدر

ایمدی بر فعل یالکز مفعول به آلور ایسه متعدی ناقص هم مفعول به و همده مفعول الیه آلور ایسه اکا متعدی کامل دینلور فقط فعل لازم لر اصلاً مفعول به آله میوب بعض کره مفعول الیه آلورلر (مکتبه کیتبک در سه چالشمق) کبی کذلک بر فعلدن صکره (کیمده وزه ده) کلمه لرندن بر یله اولنان سؤاله جواب وقع اولان لفظلره مفعول فییه و (کیمدن) و (زه دن) کلمه لرینه جواب اولانلره مفعول عنه دینلور که اقتضاسنه کوره بو مفعوللری هر فعل آله بیلور

افعال متعدیه

معلوم اوله که فعل متعدیلر (سماعی و قیاسی) فعللرینه منقسم اوله رق ایکی نوعدر

(سماعی) فی الاصل متعدی اولوب ایشتک ایله بلله نیلان
 فعللدرکه یوقاریده ذکر اولندیغی وجهله بعضیسی متعدی*
 ناقص و بعضیسی متعدی* کامل (اولورلر)

(قیاسی) اصلنده لازم اولوب فقط صکره دن بر قاعده
 ایله متعدی قلنان فعللدرکه (مک و مق) اداتلرندن اول
 بر (تای) ساکنه و یاخود دالاک **ک** سریله بر (در)
 لفظی کتور یله رک یاپیلور شویله که مذکور اداتلرک
 ماقبلی متحرک اولان مصدرلرده بر (تای) ساکنه
 زیاده سبله متعدی قلنور (اویوتمق اویناتمق واریتمک)
 کبی ساکن اولان مصدرلرده بر (در) لفظی کتور یله رک
 متعدی یاپیلور (کولدرمک) **ک** وچلشدرمک) کبی
 (بتمک بتورمک و چیقیمق چیقارمق) کبی بعض فعللر
 مستثنادر

ایمدی فعل لازم و وجه مذکور اوزره متعدی قلندقلری
 حالده متعدی* ناقص اولوب متعدی* کامل یایمق ایچون
 تکرار ادات تعدیه زیاده قلنور شویله که (ت) حرفیله
 متعدی یاپیش اولانلره (در) لفظی علاوه و (در)
 لفظیله متعدی قلنش اولانلره (ت) حرفی زیاده قلنهرق
 متعدی* کامل یاپیلور (اویناتمق اویناقدرمق و کولدرمک
 کولدرتمک) کبی بعض کره متعدی* ناقصلره دخی ادات

تعدیه علاوه اولوب متعدی کامل یاپیلور (کسمک
کسدرمک) کبی

تنبیه

ماده اصلیه نك آخری ساکن اولان یرلرده اول ساکن
اولان حرف (ل ر) حرفلرندن بری اولوبده ماده
اصلیه دخی کثیر الهجا اولور ایسه تعدیه ایچونینه
(ت) حرفی زیاده قلنوب (در) لفظی زیاده قلنه من
(صرارتمق چوغالتمق) کبی

افعال لازمه

فعل لازم لر دخی (سماعی و قیاسی) اوله رق ایکی نوعدر
(سماعی) فی الاصل لازم اولوب ایشتک ایله بلله نیلان
فعللردر که اصلاً مفعول به آنه میوب بعضملری مفعول الیه
آلورلر

(قیاسی) اصلنده متعدی اولوب فقط صکره دن برقاعده
ایلله لازم قلنان فعللردر که (مک و مق) لفظلرندن اول
بر (ن) و یا خود بر (شین) ساکنه کتوریلدرک
یاپیلورلر (ن) علاوه سیله اولانلره فعل مطاوعت
دینلوب (ش) زیاده سیله یاپیلانلره فعل مشارکت
دیرلر که اصل فعلده ذوات کثیره نك اشتراکنی بیان و افاده
ایدر (سومک سونمک و سوشمک) کبی

بوندن صکره معلوم اوله که فعلار نسبت جهتیله دخی
(معلوم و مجهول) قسملرینه منقسمدر

(فعل معلوم) فاعله نسبت اولنان فعللردر (یازمق
او قومق) کبی که یازان و او قویان ذاته نسبت اولنملردر
(فعل مجهول) مفعول بهه نسبت اولنان فعللردر (یازلمق

و او قونمق) کبی که یازیلان و او قونان شیئه نسبت اولنورلر
بو صورتده مجهول قلنه جق اولان فعللرک بهمه حال بر مفعول
بهی بولمق ایجاب ایده جلدندن لازمردن مجهول یاپیله میوب

یالکز فعل تعدیلردن یاییلور شویله که ماده اصلیه نك
آخری منحرک و یاخود (ل) اولان فعللر ایله مصدر

اسملرک کافه سنده (مک و مق) لفظلرندن اول بر (نون)
ساکنه کتور یله رک مجهول قلنور (او قونمق بیلمک)

کبی ماده اصلیه نك آخری ساکن اولان فعللرده بر (لام)
ساکنه زیاده سیله مجهول قلنور (سومک سولمک) کبی

فقط (ن) علاوه سیله مجهول قلنان فعللرده نوندن
صکره تکرار (ل) کتور یله رک (او قونمق) دخی دینلور

بیان مذکور دن اکلاشلدیغی وجهله مجهول آنجق فعل
تعدیلره مخصوص ایسه ده لازمردن دخی مصدرلر ایله

فعل زمانیلرک یالکز مفرد غایبری مجهول قلنه ییلور
(کیدلمک یا تلمق کیدلدی یا تلدی) کبی

❦ املا ❦

ادات مجهول اولان (ل) حرفيله تعدیه ایچون اولان
 (در) لفظنک (راسی) و برده ماقبلی مکسور (شین)
 مشارکت ایله (نون) مطاوعت حرکه لندکاری یرلرده
 ماقبلارنده بر (یای) املا یازلق کذلک اادات تعدیه
 اولان (تایی) ساکنه حرکه لندیکی یرده (داله) تبدیل
 اولتیق اصول املاندنر (کزدیرلمک کزدیرلش کزینش
 بیودش) کبی

بوندن صکره مصدر و مصدرلر دن یاپیلان فعللر یامثبت
 ویامنفی اولورلر

(مثبت) کندوسنده وارلق معناسی بولسان فعللردر
 (یازمق چیرمک) کبی

(منفی) کندوسنه صکره دن یوقلق معناسی کلان
 فعللردر که (مک و مق) ادا تیرندن اول بر (میم)
 مفتوحه کتور یلهرک یاپیلور (یازماق چیرممک) کبی
 فقط اادات نفی اولان میمک فتحه سنی بیان ایچون ثقیلارده
 بر (الف) یازلق اصول املاندنر

❦ فعل زمانی ❦

ذات وزمانه مقارن اوله رق بر ایش ویاخود بر حالی

افاده ایدن کله لردر که طقوز صیغهٔ مختلفه دن عبارتدر
 (ماضی شهودی . ماضی نقلی . حال . مضارع . مستقبل
 التزامی . طلبی . شرطی . امر) صیغه لری اولوب
 مصدر لر دن (مک و مق) لفظ لری حذف اولانده باقی
 قالان ماده نلک آخری نه بر طاقم ضمائر و هیئت مخصوصه
 علاوه سبله حاصل اولور لر

تنبیه

فعل زمانیلر ده ملحوظ و معتبر اولان زمان (ماضی . حال . مستقبل)
 نامیله اوج اولدیغی کبی فعلی اجرا ایدن ذات دخی
 اوچدر (متکلم . مخاطب . غائب) ایمدی بو ذاتلر اکر بر
 و یالکیز ایه (مفرد متکلم . مفرد مخاطب . مفرد غائب)
 و اکر بر و یالکیز دکل ایه (جمع متکلم . جمع مخاطب .
 جمع غائب) دینلور که بونلردن هر بر لرینه آیری آیری
 برر صیغه وضع اولمشدر

بالاده مذکور طقوز صیغهٔ مختلفه دن فعل امرک درت
 ماعداسنک التیشیر صیغهٔ مطرده لری اولوب اشتقاق
 و تصریف لری بوجه آتی بیان اولنور

ماضی شهودی

یکمیش زمانده وقوعی مشهود اولان بر فعلی اشعار ایدن

صیغه لر در که مصدر لر دن (مك ومق) لفظلری حذف
اولند قده باقی قالان ماده نك آخرینه بر (دی) اداتی
کتور یله رك مفرد غائب وبر (لر) زیاده سیله جمع غائب
صیغه لری حاصل اولوب بعده ضمیر فعلیلر علاوه سیله
متكلم و مخاطب صیغه لری یاپیلور
فقط متكلم صیغه لر یله مخاطبلر ك مفرد لر نده (دی) اداتك
یاسی ترك اولنق اصول املاندنر

تصرف

مثبت		منفی	
سودم	سودك	سومدم	سومدك
سودك	سودیكز	سومدك	سومدیكز
سودی	سودیلم	سومدی	سومدیلم

ماضی نقلی

بچمش زمانده وقوعی منقول و مسموع اولان بر فعلی اشعار
ایدن صیغه لر در که مصدر لر دن (مك ومق) لفظلری
ترك اولند قده باقی قالان ماده نك آخرینه میك کسریله
بر (مش) اداتی کتور یله رك مفرد غائب وبر (لر)
زیاده سیله جمع غائب صیغه لری حاصل اولوب بعده ضمیر
نسبیلر علاوه سیله متكلم و مخاطب صیغه لری یاپیلور

تصريف

مثبت	منفی
سومشم سومشز	سومشم سومشز
سومشسك سومشسكز	سومشسك سومشسكز
سومش سومشز	سومش سومشز

فعل حال

برفعلك شمدیكى حالده وقوعى بیان و اشعار ایدن
 صیغه لر در كه مصدر لر دن (مك و مق) لفظلى ترك
 اولند قدده باقى قلان ماده نك آخرینه ضمه ثقیله مبسوطه
 ایله بر (یور) اداتى كنور یله رك مفرد غائب و بر (لر)
 زیاده سیله جمع غائب صیغه لری حاصل اولوب بعده
 ضمیر نسبیلر علاوه سیله متكلم و مخاطب صیغه لری
 تصريف اولنور فقط ماده اصلیه نك آخرى ساكن اولان
 (یرلده) اول حرف كسریله او قونمق شیوه لساندندر

تصريف

مثبت	منفی
سویورم سویورز	سومیورم سومیورز
سویورسك سویورسكز	سومیورسك سومیورسكز
سویور سویورلر	سومیور سومیورلر

فعل مضارع

برفعلك شمديكى حالده وياكله جكلده وقوعنى بيان واشعار
ايدن صيغه لردركه مصدرلردن (مك ومق) لفظلرى
ترك اولندوقده باقى قلان ماده نك آخريند بر (راي) ساكنه
كتورييله رك مفرد غائب و (لر) زياده سيله جمع غائب
صيغه لرى حاصل اولوب بعده ضمير نسبيلر علاوه سيله
متكلم ومخاطب صيغلرى تصريف اولنور فقط منفيلرده
ادات مضارع اولان (ر) حرفى (زاي) مجمله
قلب اولنقى وتخفيف ايجون اول (زاي) مجمله مفرد
متكلملرده ترك وجمع متكلملرده (يايه) تبديل قلنقى
شيوه لساندندر

تصريف

منفى	مثبت
سوم - سومير	سورم - سوروز
سومزسك - سومزسكز	سورسك - سورسكز
سومزلر - سومز	سورلر - سور

املا

معلوم اوله كه مجهولار ايله مشاركت ومطاواعت فعلارينك
كافدسند و برده ماده اصليله كثير الهجاء اولوبده
آخرنده (ش ن ل) حرفلرندن برى بولسان فعللرده

ادات مضارع اولان (رانك) ماقبلی مضموم او قونوب
 ضمه یی بیان ایچون بر (واو) املا یازیلور (قاربشور)
 اوتانور چوغالور بوزیلور) کبی فقط مادهٔ اصلیه نك
 آخری حروف مذکور دن بری اولدیغی ویاخود اولوبده
 مادهٔ اصلیه بر هجالی بولندیغی تقدیرده اادات مضارعك
 ماقبلی مفتوح او قونور

(سور پیشر بیز) کبی بوضورتده (ویرر آلور بیلور
 قالور بولور کورر) کبی بعض کلمه لر مستثادر واکر مادهٔ
 اصلیه کثیر الهجا اولوبده آخرنده (ر) حرفی بولنور
 ایسه اادات مضارعك ماقبلی مکسور او قونور (صرارر
 قیرارر) کبی

❦ فعل مستقبل ❦

بر فعلك كله جكده وقوعی بیان و افاده ایدن صیغه لر دركه
 مصدر ااداتی ترك اولاندقده باقی قلان مازمه نك آخری
 ساكن ایسه مفتوح قلنوب یالکز بر (های) رسمیه علاوه
 واکر متحرك ایسه های رسمیه دن اول برده (ی) زیاده
 قلندقدنصکره خفیفلرده جیمك فتحیله (جك) وثقیللرده
 (جق) ااداتلری کتوریله رك مفرد غائب صیغه سی
 و (لر) زیاده سیاه جمع غائب صیغه لری حاصل اولوب
 بعده ضمیر نسبی لر انضمامیله منکام و مخاطب صیغه لری تصریف
 اولنور فقط متکلملرده (جك) ااداتك (کافی) کاف

فارسی به تحویل و (جق) اداتك (قافی) دخی غینه
تبدیل قلنق اصول املا دندر

تصرف

مثبت	منفی
سو و جكم سو و جكز	سو ميه جكم سو ميه جكز
سو و جكسك سو و جكسكز	سو ميه جكسك سو ميه جكسكز
سو و جك سو و جكار	سو ميه جك سو ميه جكار

فعل التزامی

كله جك زمانده وقوعی ملنزم اولان بر ایشه دلالت ایدن
صیغه لر در كه مصدر لر دن (مك) و (مق) اداتلری
ترك اولند قدده باقی قالان ماده نك آخري نه ميك فتحی و لامك
كسریله بر (ملی) اداتی كتور یله رك مفرد غائب و (لر)
زیاده سیله جمع غائب صیغه لری حاصل اولوب بعده ضمیر
نسبیلر علاوه سیله متكلم و مخاطب صیغه لری یاسیلور

مثبت	منفی
سو و ملیم سو و ملیز	سو و ملیم سو و ملیز
سو و ملیسك سو و ملیسكز	سو و ملیسك سو و ملیسكز
سو و ملی سو و ملیلر	سو و ملی سو و ملیلر

فعل طلبی

کله جکده وقوعی طلب و تمنی اولنان بر ایشه دلالت ایدن
 صیغه لر در که مصدر ادا تلی ترك اولند قدده باقی فلان
 ماده نك آخری ساکن ایشه مفتوح قلنوب یالکز بر (های)
 رسمیه علاوه واکر متحرك ایشه های رسمیددن اول برده
 (ی) زیاده قلنه رق مفرد غائب صیغه سی و (ر)
 الحاقیه جمع غائب صیغه لری حاصل اولوب بعده ضمیر
 نسبیلر انضمامیه متکلم و مخاطب صیغه لری تصریف
 اولنور فقط مفرد متکلملرده ضمیر نسبیدن اول بر (یا) ی
 مکسوره کتور لمک و جمع متکلملرده ضمیر نسبی لامک
 کسریله (لم) لفظنه تبدیل قلنق شیوه لساندندر

تصریف

مثبت		منفی	
سوهیم	سوهلم	سومیدیم	سومیدلم
سوهسک	سوهسکز	سومیدسک	سومیدسکز
سوه	سوهز	سومیه	سومیه لر

فعل شرطی

معناسنك وقوعی دیگر بر فعلك حصوانی مستلزم اولان

صیغه لردر که مصدر اداتلری حذف اولندوقده باقی قالان ماده نك آخرینه سینك فتحیله بر (سه) اداتی کتوریلهرک مفرد غائب صیغه سی و (ر) زیاده سیله جمع غائب صیغه لری حاصل اولوب بعده ضمیر فعلیلر علاوه سیله متکلم و مخاطب صیغه لری تصریف اولنور فقط (سه) اداتنده بولنان (های) رسمیه اکثری حذف اولنق اصول املاندنر

❦ (تصریف) ❦

منفی		مثبت	
سومسك	سومسم	سوسك	سوسم
سومسكز	سومسك	سوسكز	سوسك
سومسهلر	سومسه	سوسهلر	سوسه

❦ فعل امری ❦

بر ایشك اجراسنی فاعله امر و تنبیهی بیان و افاده ایدن صیغه لردر که مصدرلردن (مك و مق) اداتلری حذف اولندوقده باقی قالان ماده مفرد مخاطب صیغه سی اولوب آخرینه بر ضمیر فعلی علاوه سیله جمع مخاطب یاپیلور که بولنره (امر حاضر) دینلور مفرد مخاطبلرک آخرینه بر (سون) اداتی کتورلدکده مفرد غائب (لر)

زیاده سیله جمع غائب صیغه لری حاصل اولور که بونلره
دخی (امر غائب) دیرلر فقط جمع مخاطبلرده ضمیردن
اول بر (یای) مکسوره کتورلک اصول املاندنر

❦ تصریف ❦

منفی		مثبت	
سومیکز	سوده	سویکز	سو
سومسونلر	سومسون	سوسونلر	سوسون

❦ فعل فرعی ❦

کندوسنده زمان ملاحظه اولنیه رق یالکز ذاته مقارن
اولدبغی حالده بر ایشه دلالت ایدن کلمه لردر که آنلرده
(اسم فاعل • اسم مفعول • صفت مشبیه • صفت مبالغه •
اسم آلت) صیغه لری اولوب مصدرلردن (مک و مق)
لفظلری حذف اولند قدده باقی قالان ماده نک آخرینه
بر طاقم ادوات مخصوصه علاوه سیله حاصل اولورلر
فقط صفت مشبیه ایله صفت مبالغه واسم آلت صیغه لری
هر ماده دن یاپیله میوب یالکز بعض مصدر فعلیلردن
کلورلر

❦ اسم فاعل ❦

فعل کندوسيله قائم اولان ذاتی اشعار ایدن صیغه لردر که

مصدر معلوملردن (مك ومق) اداتلری حذف اولندقدہ
باقی قالان ماده نك آخرينه خفيقلرده بر (نون) ساكنه
و ثقیلارده بر (الف نون) علاوہ سبله و باخود بر (یجی)
اداتی کتوریلہ رك مفرد صیغہ سی حاصل اولوب بعده
(ر) زیادہ سبله جمع صیغہ لری یاپیلور

تصرف

مثبت	منفی
سون	سومین
سونلر	سومینلر
سویجی	سومیجی
سویجیلر	سومیجیلر

املا

ماده اصلیه نك آخری متحرك اولان یرلرده اسم فاعل
اداتلردن اول بر (ی) زیادہ قلنق و ماده اصلیه کثیر
الہجا اولوبده آخرنده (ت ق) حرفلردن بری بولندیغی
صورته (ق) غینه و (ت) داله تبدیل اولنق اصول
املا دندر (او قویان او قودیجی براغیجی) کبی

اسم مفعول

فعل کندوسی اوزرینه واقع اولان ذاتی اشعار ایدن
صیغہ لردرکه مصدر مجهوللاردن (مك ومق) لفظلری

ترك اولندقدہ باقى قالان ماده نك آخريه خفيفلرده بر (نون)
ساكنه و ثقيللرده بر (الف نون) زياده سبيله و ياميكن
كسريه بر (مش) و ياخود بر (يحيى) اداى كتوريله رك
مفرد صيغه سى حاصل اولوب بعده (لر) علاوه سبيله
جمع صيغه لرى ياپيلور

تصريف

منفى		مثبت	
سولينلر	سولين	سويلنلر	سويلن
سوليجيلر	سوليجى	سويليجيلر	سويليجى
سولمشلر	سولمش	سولمشلر	سولاش

صفت مشبهه

بعضلرى اسم فاعل و بعضلرى اسم مفعول مقامنده
قوللايله رق و صفت معناسنى افاده ايدن بر طاق صيغه لر دركه
مصدر فعليلردن (مك و مق) اداى حذف
اولندقدہ باقى قالان ماده نك آخريه بعض كره خفيفلرده
كافك كسريه (كين) و ياخود ضميمه (كون) و ثقيللرده
غنيك كسريه (غين) و ياخود ضميمه (غون)
اداى نيك علاوه سبيله و بعض كره دجى خفيفلرده ماقبل
مكسور بر (كاف) و ثقيللرده بر (قاف) ساكنه زياده سبيله

مفرد صیغه‌لری حاصل اولوب بعده (ل) الحاقیله
جعلری یاپیلور .

تصریف

ثقیل	خفیف
طالغینلر	کسکینلر
طالغین	کسکین
یورغونلر	دوشکونلر
یورغون	دوشکون
یانقلر	کسکلر
یانق	کسک

صفت مبالغه

معنای مصدری ایله بر ذاتک دوام اوزره اتصافی بیان
وافاده ایدن صیغه‌لردر که مصدرلردن (مک ومق)
اداتلری حذف اولندقدن باقی قالان ماده‌نک آخرینه
خفیفلرده کافک قحیمیله (کن) ویاخود (کیج)
وثقیللرده غینک قحیمیله (غان) ویاخود کسریمیله (غیج)
اداتلرینک علاوه سیمیله مفرد صیغه‌لری حاصل اولوب
بعده (ل) زیاده سیمیله جمع صیغه‌لری یاپیلور .

تصریف

ثقیل	خفیف
صولوغانلر	ایشتنکلر
صولوغان	ایشتنک
طالغیج	بیلکچیلر
طالغیج	بیلکچ

اسم آلت

فعلی اجرایه آلت و واسطه اولان برشی بیان و افاده
ایدن صیغه لردرکه مصدر اداتلری حذف اولندقدہ باقی
قالان ماده نك آخرینہ خفیفلرده كاف فارسـیہ نك کسریله
(کی) و یاخود ضمیله (کو) و ثقیلارده غینك کسریله
(غی) و یاخود ضمیله (غو) اداتلری کتوریله رك
مفرد صیغه لری حاصل اولوب (لر) زیاده سـیله جمع
صیغه لری یاپیلور فقط بو صیغه لرا کثری علم مخصوص اولوب
بعض کره دخی اسم مصدر مقامنده استعمال اولنور

تصریف

خفیف	ثقیل
سور کو	چالغی
سر کی	بور غو
سور کول	چالغی
سر کیلر	بور غولر
بوندن صکره معلوم اوله که فعللر صیغه جهتـیله دخی (بسیط و مرکب) قسملرینه منقسمدر (افعال بسیطه) ماده اصلیه نك آخرینہ برطاقم هیئت مخصوصه علاوه سیله تشکل ایدن صیغه لردرکه صورت تصریفلری یوقاریده بیان اولندی	

افعال مرکبه

فعل اعانه و یاخود دیگر فعللرک بریله ترکیب ایدن

صیغه لر در که بوندن آشای اصول تصریف‌ری
کوستریله جکدر

(فعل اعانه) مصدر لریله سائر صیغه لری اولمیب یالکز
ماضیلریله صیغه شرطیه سی قولانیلان ماده لر در که بروجه
آتی بیان او انور فقط شرطیه لرده (های) رسمیه نك
حذفی دخی جائز اولور که ایکنجی تصریفده کوستریشدر

تصریف

ماضی نقلی		ماضی شهودی	
ایمشر	ایشم	ایدک	ایدم
ایمشکز	ایمشک	ایدیکز	ایدک
ایمشلر	ایمش	ایدیلر	ایدی

صیغه شرطیه

تصریف ثانی		تصریف اول	
ایسک	ایسم	ایسهک	ایسم
ایسکز	ایسک	ایسهکز	ایسهک
ایسلر	ایسه	ایسهلر	ایسه

ایمدی فعل امریدن ماعدا افعال بسیطه دن بری اشبو
فعل اعانه نك ماضی شهودیسیله ترکیب ایتدکده (فعل
حکایت) و ماضی نقلیسیله ترکیب ایتدکده (فعل روایت)
و شرطیه سیله ترکیب ایتدکده (فعل شرطی) دینلور که

صورت ترکیب و اصول تصریف‌ری بوجه آتی بیان
اولور

فعل حکایت

افعال بسیطه نك معنای بی زمان ماضیده حکایه طریقله
بیان و افاده ایدن صیغه لردر که بسیطلرک مفرد غائبی
فعل امانه نك ماضی شهودیسیله ترکیب و تصریفدن حاصل
اولورلر فقط ماضی شهودینك حکایت صورتلرنده فعل
امانه نك مفرد غائبی ایله اصل فعل تصریف ایدلک دخی
جائز اولور

فعل روایت

افعال بسیطه نك معنای بی زمان ماضیده نقل و روایت
طریقله بیان و افاده ایدن صیغه لردر که بسیطلرک مفرد
غائبی فعل امانه نك ماضی نقلیسیله ترکیب و تصریفدن
حاصل اولورلر فقط ماضی شهودیلر نقل طریقله افاده
اولنه مدیفندن بونلرک روایت صورتلری یوقدر

فعل شرطی

افعال بسیطه نك معنای بی بشقه بر فعلك وقوعنه تعلیق
ایدن صیغه لردر که بسیطلرک مفرد غائبی فعل امانه نك
صیغه شرطیه سیله ترکیب و تصریفدن حاصل اولورلر
فقط ماضی شهودیلرده فعل شرطینك مفرد غائبی ایله
اصل فعل تصریف اولنلق دخی جائزدر

❦ افعال حکایت ❦

تصرف	(حکایت شهودی)	تصرف	(حکایت نقلی)
شودی	ایدم ایدک ایدیکز ایدی ایدیلر	شودۇ	ایدم ایدک ایدیکز ایدی ایدیلر
	(حکایت حال)		(حکایت مضارع)
سوزور	ایدم ایدک ایدیکز ایدی ایدیلر	سوزۇر	ایدم ایدک ایدیکز ایدی ایدیلر
	(حکایت مستقبل)		(حکایت التزامی)
سوزولجن	ایدم ایدک ایدیکز ایدی ایدیلر	سوزۇلجۇ	ایدم ایدک ایدیکز ایدی ایدیلر
	(حکایت طلبی)		(حکایت شرطی)
سوه	ایدم ایدک ایدیکز ایدی ایدیلر	سوهۇ	ایدم ایدک ایدیکز ایدی ایدیلر

❦ افعال روایت ❦

❦	❦	❦	❦
(روایت نقلی)	❦	(روایت حال)	❦
ایمشم ایمشنز ایمشسک ایمشسکنز ایمش ایمشله	❦	ایمشم ایمشنز ایمشسک ایمشسکنز ایمش ایمشله	❦
(روایت مضارع)	❦	(روایت مستقبل)	❦
ایمشم ایمشنز ایمشسک ایمشسکنز ایمش ایمشله	❦	ایمشم ایمشنز ایمشسک ایمشسکنز ایمش ایمشله	❦
(روایت التزامی)	❦	(روایت تمنی)	❦
ایمشم ایمشنز ایمشسک ایمشسکنز ایمش ایمشله	❦	ایمشم ایمشنز ایمشسک ایمشسکنز ایمش ایمشله	❦
(روایت شرطی)			

ایمشم ایمشنز ایمشسک ایمشسکنز
ایمشسک ایمشسکنز ایمشسک ایمشسکنز

❦ افعال شرطیه ❦

نقص	(شهودی شرطی)	بِقَوَا	(نقلی شرطی)
شودی	ایسدم ایسدهك ایسهك ایسهكز ایسه ایسهلر	شُدُ	ایسدم ایسدهك ایسهك ایسهكز ایسه ایسهلر
	(حال شرطی)		(مضارع شرطی)
سوزور	ایسدم ایسدهك ایسهك ایسهكز ایسه ایسهلر	سُزُور	ایسدم ایسدهك ایسهك ایسهكز ایسه ایسهلر
	(مستقبل شرطی)		(التزامی شرطی)
سوه بدهك	ایسدم ایسدهك ایسهك ایسهكز ایسه ایسهلر	سُوه بَدِهك	ایسدم ایسدهك ایسهك ایسهكز ایسه ایسهلر -

املا

(حکایت * وروایت * وشرطیه) صیغه لرینک کافه سنده
 فعل امانه لرك يالكز (الفی) و یاخود الف ایله (یاسی)
 ایکسی بردن حذف اولنق جائز اولور بوصورنده ثقیل لردن
 یاپیلان حکایه و شرطیه لرك جمع متکملر یله خفیف لردن اولان
 حکایه حال و شرطی حالات جمع متکملر نده بولنان (ک)
 (فافه) تبدیل قلمق و ثقیل لردن یاپیلان شرطی مستقبلده
 فعل شرطینک يالكز الفی حذف اولندیغی تقدیرجه ادات
 مستقبلک (قافی) غینه تحویل اولنق کذلک فعل طلبیلرک
 حکایت وروایت صورتلرنده اصل فعلک آخرنده بولنان
 (های) رسمیه حذف ایدلک اصول املا دندر (سویورسق
 یازدیسق یازه جغیسه یازیدی) کبی بوندن صکره معلوم
 اوله که فعل امانه نک غیر ی دیگر بر فعل ایله ترکیب ایدن
 افعال مرکبه دخی (اقتداریه . تعجیلیه . زمانیه) قعملرینه
 منقسم اوله رق باشلوجه اوچ نوعدر ترکیب و تصرفلری
 بروجه آتی بیان اولنور

افعال اقتداریه

برفعلک اجرا سنده فاعلک قوت و اقتدارینی بیان و افاده
 ایدن صیغه لردر که فعل طلبی نک مفرد غائبی (بیلک) ماده سیله
 ترکیب و تصرفدن حاصل اولور

(یازہ بیلک چیزہ بیلک) کبی فقط منفیلر دہ جزہ ثانی ترک
اولنوب ادات نفی جزہ اولہ علاوہ قلنور (یازہ مامق
چیزہ ممک) کبی

❦ افعال تعجیلیہ ❦

بر فعلک اجر اسندہ فاعلک تعجیلنی اشعار ایدن صیغہ لردر کہ
مصدر لردن (مک و مق) لفظلری حذف اولنوب یرلرینہ
ماقبلی مکسور بر (یای) ساکنہ کتورلد کدن صکرہ
(و یرمک) مادہ سیلہ ترکیب و تصریفدن حاصل اولورلر
(یازی و یرمک چیزنی و یرمک) کبی فقط منفیلر دہ
ادات نفی بعض کرہ جزہ اولہ و بعض کرہ جزہ ثانی بہ
علاوہ قلنہ رق استعمال اولنور (یازی و یرمک یازمی
و یرمک) کبی

❦ افعال زمانیہ ❦

مصدرلری زمان ماضی و یاخود زمان استقباله دلالت
ایدن صیغہ لردر کہ ماضی نقلی و یاخود مستقبلاک مفرد
غائبینی (اولمق) مادہ سیلہ ترکیب و تصریفدن حاصل
اولورلر (یازمش اولمق و یازہ جق اولمق) کبی بونلرک
منفیلرندہ دخی ادات نفی بعض کرہ جزہ اولہ و بعض کرہ
دخی جزہ ثانی بہ علاوہ قلنہ رق استعمال اولنورلر
(یازمامش اولمق یازمش اولمامق) کبی

❦ افعال اقداریه ❦

تفہ	(ماضی شہودی)	تفہ	(ماضی نقلی)
بیلد	بیلدک	بیلشم	بیلشمن
بیلدک	بیلدیکز	بیلشمک	بیلشمنک
بیلدی	بیلدیلر	بیلش	بیلشمنلر
	(حال)		(مضارع)
بیلورم	بیلورز	بیلورم	بیلورز
بیلورسک	بیلورسک	بیلورسک	بیلورسک
بیلور	بیلورلر	بیلور	بیلورلر
	(مستقبل)		(التزامی)
بیلہ جکم	بیلہ جکز	بیلیم	بیلیمز
بیلہ جکمک	بیلہ جکمک	بیلیمک	بیلیمک
بیلہ جک	بیلہ جکلر	بیللی	بیللیر
	(طلبی)		(شرطی)
بیلہ یم	بیلہ لم	بیلسم	بیلسمک
بیلہ سک	بیلہ سک	بیلسمک	بیلسمک
بیلہ	بیلہ لر	بیلسمه	بیلسمه لر

❦ افعال تعجیلیه ❦

تصرف	(ماضی شهودی)	تصرف	(ماضی نقلی)
یازی	ویردم ویردک ویردک ویردیکز ویردی ویردیلر (حال)	یازی	ویرمشم ویرمشز ویرمشک ویرمشکز ویرمش ویرمشلر (مضارع)
یازی	ویریورم ویریورز ویریورسک ویریورسکز ویریور ویریورلر (مستقبل)	یازی	ویریرم ویریروز ویریرسک ویریرسکز ویرر ویررلر (التزامی)
یازی	ویره جکم ویره جکز ویره جکسک ویره جکسکز ویرجک ویره جکلر (طلبی)	یازی	ویرملیم ویرملیز ویرملیسک ویرملیسکز ویرملی ویرملیلر (شرطی)
یازی	ویره یم ویره لم ویره سک ویره سکز ویره ویره لر	یازی	ویرسم ویرسک ویرسک ویرسکز ویرسه ویرسلر

❖ افعال زمانیه ❖

فعل مضارع	فعل ماضی (شهودی)	فعل مضارع	فعل ماضی (تغلی)
یازمیش و یازمیشیق	اولدم اولدق اولدک اولدیکز اولدی اولدیلر	یازمیش و یازمیشیق	اولشم اولمش اولشسک اولمشسکز اولش اولمشلر
یازمیش و یازمیشیق	(حال) اولیورم اولیورز اولیورسک اولیورسکز اولیور اولیورلر	یازمیش و یازمیشیق	(مضارع) اولورم اولورز اولورسک اولورسکز اولور اولورلر
یازمیش	(مستقبل) اوله جقم اوله جقز اوله جقسک اوله جقسکز اوله جق اوله جقلر	یازمیش و یازمیشیق	(التزامی) اوللمیم اوللمیز اوللمیسک اوللمیسکز اوللمی اوللمیلر
یازمیش و یازمیشیق	(طلبی) اوله یم اوله لم اوله سک اوله سکز اوله اوله لر	یازمیش و یازمیشیق	(شرطی) اولسم اولسق اولسک اولسکز اولسه اولسه لر

تنبیه

اشبو ذکر اولنان افعال مرکبه دن بشقه (استمرار به
ومقار به) دینلور برطاقم مرکب صیغه لر دها واردر که
بونلر مطرد اوله رق هر ماده دن یاپیله مدقلری جهته
مخصوص جدولارده کوستریله میوب صورت قصر یفلری
آریجه بیان اولنمق مناسب کورلدی

افعال استمرار به

برفعلک دوام اوزره وقوعی اشعار ایدن صیغه لر درکه
فعل طلبی نک مفرد غائبی (طور مق • کورمک • قالمق
وکلمک) فعللریله ترکیب وتصریفدن حاصل اولور
(اوقویه کور یازه طور شاشه قالسونلر اوله کلشدر) کبی

افعال مقار به

برفعلک وقوعی قوه قریبه یه کلدیکنی بیان واشعار ایدن
صیغه لر درکه فعل طلبی نک مفرد غائبی (یازمق)
ماده سیله ترکیب وتصریفدن حاصل اولور (دوشه یازدی
قیریله یازمش) کبی ایمدی شوبش صورتله یاپیلان افعال
مرکبه تکرار فعل اعانه ایله ترکیب ایتدکده بونلرک دخی
(حکایت • وروایت • وشرطیه) صیغه لر حاصل اولور که
ترکیب وتصریفلری یوقاریده کوسترلیدیکی وجهله
اجرا اولنور

فصل رابع کنایدر بیانده در

(کنایه) اسم مقامنده قوللائیلان برطاقم لفظدر در که
(ضمیر . اسم اشارت . مبهمات) قسملرینه منقسم اوله رقی
باشلوجه اویچ نوعدر

ضمیر

کندوسیله برذاته اشارت اولنان لفظدر که لسان عثمانیده
بونلرده (شخصی . اضافی . نسبی . فعلی) قسملرینه
منقسمدر

ضمیر شخصی

برذات معینی اراده و اشعار ایدن ضمیرلر در که آنلرده
اوچسدر (متکلم مخاطب غائب) (ضمیر متکلم) کلامی
سویلیسان ذاتی اشعار ایدن لفظدر که مفردنده (بن)
جمعنده (بز) دینلور (ضمیر مخاطب) کلام کندوسنه
سویلیلان ذاتی اشعار ایدن لفظدر که مفردنده (سن)
جمعنده (سز) دیرلر (ضمیر غائب) کلام کندوسندن
سویلیلان ذاتی اشعار ایدن لفظدر که مفردنده (او)
جمعنده (اونلر) دینلور فقط جمع متکلم ایله جمع
مخاطبلره تکرار ادات جمع لاحق اوله رقی (بز و سز لر)
دینلک دخی جائز اولور که بونلر مقام تعظیمده قوللائیلور

ضمیر اضافی

اسم مضافلرک آخرینه لاحق اولوب نسبت و تملک معنارینی

افاده ایدن ضمیر در که مفرد متکلمی (میم) ساکنه
 جعی میم کسر یله (مز) و مفرد مخاطبی صاغ (ک)
 جعی کسر یله (کز) و غائب صورتلری دخی ماقبلی
 مکسور (یای) ساکنه در که هم مفرد و همده جعمره
 لاحق اولور

(کتابم کتابمز کتابک کتابکز کتابی کتابلری) کبی
 فقط آخرنده حروف املادن بری بولنان مضافلرک مفرد
 غائبلرنده ضمیر اضافیدن اول بر (س) زیاده قلمق کذلک
 کثیر الهجا اولوبده آخرنده (ق) بولنان مضافلرده
 اول قاف (غینه) تبدیل اولنق شیوه لساندندر
 (قپوسی آباغی) کبی

فاده

بعض کره ماضی * شهودی ایله مستقبلک مفرد غائبلرینه
 دخی ضمیر اضافیلر لاحق اولوب اسم مقامنده استعمال
 اولورلر که بولنره صیغه صلّه تعبیر ایدرلر
 فقط شهودیلرده ضمیر اضافیلردن اول (س) یرینه
 خفیلرده بر (کاف) فارسی و ثقیلرده بر (غ) زیاده قلمق
 کذلک مستقبللرده بولنان (ن) غینه و (کاف) دخی
 کاف فارسی به تبدیل اولنق شیوه لساندندر (یازدیغی
 چیزدیکی یازه جغی چیزه جکی) کبی

ضمیر نسبی

فعل و خبر لره لاحق اولوب فعللرك فاعلنی بیان و خبر لری
مبتدایه ربط ایدن ضمیر لردر که مفرد متکلمی ماقبلی
مکسور (میم) ساکنه جمعی (زای) ساکنه و مفرد
مخاطبی (سینک) کسری و صاغر کاف ایله (سـك)
لفظی جمعی (سکز) و غائب صورتلری دخی (دالاک)
کسریله (در) لفظیدر که خبر لره مخصوص اولوب
فعللره الحاق اولنه مز (سـورم سورسکز قرنداشم
قرنداشسکز) کبی فقط آخرنده حروف املا دن بری
بولنان خبر لرك متکملر نده ضمیر نسبی دن اول بر (ی)
زیاده قلمق اصول املا دن در (بن خواجه یم بز کدایز)
کبی

(تنبیه)

فعللره لاحق اولان ضمیر نسبی لرك مفرد مخاطب لری اکثری
(ن) ایله تحریر اولنمقده ایسه ده بونلرك جمع مخاطب لری
دائما صاغر (کاف) ایله یازلدیغنه کوره مفرد لر نده
(نون) تحریری املاجه برنوع غلط دیمک اوله جغندن
بورساله ده مفرد مخاطب صیغه لری عموما صاغر کاف ایله
تحریر و املا اولنمشدر

ضمير فعل

يا لكز فعل شهوديلر ايله امر حاضر و شرطيه لك آخريته
لاحق اولوب فاعلاريني اراهه و اشعار ايدن ضمير لدرکه
مفرد متکلمی (ميم) ساکنه جمعی خفیفلرده (ك)
و ثقیللرده (قاف) ساکنه و مفرد مخاطبی صاغر (کن)
جمعی کسر یله (کز) لفظیدر

تنبيه

فعللره لاحق اولان ضمير لك غائب صورتلری اولمديغندن
على العموم افعالك غائب صيغه لری شخصيلرك غائبلر يله
استعمال اولنورلر (او يازدی چيردی آنلر او قوديلر)
کبی

اسم اشارت

اسم اشارت (شو بو اشبو) لفظلريدركه کندولر يله بر ذات
ويا خود بر شيئه اشارت اولنور جملرنده (لر) ادا تندن
اول برده (نون) ساکنه زياده قلنوب (بونلر شونلر)
دينلورکه (بو) لفظيله قریبه و (شو) لفظيله بعیده
اشارت اولنوب (اشبو) لفظی دخی (ايشته بو)
کلمه لرندن مخفف اوله رق دها قریبه اشارت ایچون
قولانیلور

مبهمات

مبهمات (کیم ونه یی وقنخی ونیچه وزره وقاچ) لفظلیدرکه
 مبهم اوله رق بر ذات ویاخود برشیدن استفهام وسؤال
 مقامنده استعمال اولنور لر (کیم) لفظی ذوی العقول دن
 سؤال (نه) لفظی ذوی العقولک غیری دن (قنخی)
 لفظی بعض کرّه ذوی العقول و بعض کرّه دخی ذوی
 العقولک غیری دن سؤال مقامنده قوللانیلور بونلرک
 جعلمونده (لر) اداتی علاوه قلنهرق (کیملر ونلر وقنغیلر)
 دینلور فقط (نه) لفظندن بو مثالو یرلرده های
 رسمیه حذف اولنمق اصول املادندر (نونک) کسریله
 (نیچه) لفظی برشیئک حال وکیفیتندن (قاچ) لفظی
 مقدار وکیئتندن (زره) لفظی دخی مکاندن استفهام وسؤال
 مقامنده قوللانیلور

فصل خامس ادوات ترکیه بیاننده در

(ادوات) کلمه و جمله لری بر برینه ربط ایدن ویاخود
 معنالرینه بشقه بر خصوصیت کتورن لفظلیدرکه حروف
 هجا اوزره بالترتیب بر وجه آتی بیان اولنور

ادات ندادر بعض کره دخی تعریض مقامنده
قولانیلور (آجام) کبی فقط اولنده همزه
بولسان لغلرده اادات مذکور دن صکره برده
(ی) زیاده قلنور (آی افندم) کبی

ادات استعمالدر فقط مصدرلره لاحق اولدوقده
اوزره شرط معناسنی افاده ایدر

(آیاق اوزره طور دی و کیتک اوزره کلدی) کبی
ادات تنبیدر جلهلره لاحق اولور

(اشته خواجه کلور) کبی
ادات تفضیلدر صفتلرک اولنه زیاده قلنور

(او قویوب یازمق هنرلرک اک اعلا سیدر) کبی
ادات تصدیقدر مکتبه کیدیور میسکز

(اوت افندم) کبی
ادات حصردر مدخولنه حکمک انحصارینی

افاده ایدر
(بوایشی آنجق سن یاپه بیلور سک) کبی

بعض کره دخی استدراک مقامنده قولانیلور
مفعول معه ادا تیدر بعض کره مصاحبت

وبعض کره دخی استعانه معنارینی اشعار ایدر
(خواجه ایله کورشدی ایله یازدی) کبی

آ

اشته

اک

اوت

آنجق

ایله

مصدر لرله لاحق اولدوقده تعلیل معناسنی افاده ایدر

(اولمغله کیمکله) کبی

ادات حالدر بر شیئک حال و کیفیتنی بیان

وافاده ایدر (آغاج یاش ایکن اکیلور) کبی

بعض کره (ایکن وایله) ادا نلرندن (الفیا)

حذف اولنور

(یاشکن دیکلدی قلمله یازلدی) کبی

ادات تعلیلدر علتلره لاحق اولور

(آق اچقه قره کون ایچوندر) کبی

ادات تفصیلدر ماقبلنی بیان و تفصیل ایدر

ادات تفصیلدر صفتلرک اولنه زیاده قلمور

(یلانجیلق پک چرکین خویدر) کبی

ادات تمئیدر جله لرک اولنه کتوریلور

(درسه چالشمبورسک باری اوصلو اوتور) کبی

ادات ترقیدر جله لرک اولنه زیاده قلمور

(یالکز حساب دکل هندسه بیله اوقومشدر) کبی

ادات تعلیلدر بر حکمک سبب و علتنی بیان ایدر

اسملره لاحق اولدوقده نسبت و صفتلره لاحق

اولدوقده قلت معنارینی افاده و بیان ایدر (ترکیه

عربجه کوزجله) کبی

ایکن

ایچون

ایمدی

پک

باری

بیله

چونکه

جه

بعض کره دخی آخینه (سینک) کسریله
بر (سنه) لفظنی زیاده قلنه رق تشبیه معناسنی
اشعار ایدر

(دشمنانجه سنه) کبی

جینگ کسریله ادات تشبیهدر اسملرک آخینه
لاحق اولور

ادات تصغیردر اسملرک آخینه لاحق اولور
(اوجک بولجق) کبی

ادات ظرفدر مفعول فیهلره داخل اولور
(مکتبده او قودی) کبی

مصدرلره لاحق اولدوقده حال وزمان معنالری
افاده ایدر

(بوش کز مکده نه فائده وار) کبی

وبعض کره دخی ادات عطفدر

(قورینگ یاننده یاشده ینار) کبی

مفعول عنه اداتیدر بعض کره ابتدا معناسنی افاده ایدر

(مکتبدن چیقهلر بش سنه اولدی) کبی

بعض کره دخی ادات بیان اولوب بر شینگ

جنسنی اشعار ایدر (آلتوندن کوپه) کبی

جلین

جک

جق

ده

دن

ادات انتہادر بر شیئک غایتنی بیان و اشعار ایدرلر	دک
(اخشامدن صباحه دک او یومدی) کبی	دکین
ادات عطفدر ایکی شیئی بر حکمده جمع ایدر	دخی
ادات نفی در (عقل یاشده دکل یاشده در) کبی	دکل
ادات تفضیلدر صفتلره علاوه قلمنور	دها
(بال شکردن دها طاتلیدر) کبی	
ادات حالدر فعل تمنی مفرد غائبلرک آخرینه	رک
علاوه قلمنور	رق
(کوله رک کلدی آغلایدق کیتدی) کبی	
ادات نفی در (پاره سز پولسز) کبی	سز
فقط مصدرلره لاحق اولدوقده آخرینه برده	
(ین) زیاده قلمنوب (او قومقسزین) دینلورکه	
بونلر حال استمراری مقامنده قوللانیلور	
ادات تشبیهدر (بیاتسی کوفسی) کبی	سی
فقط لاحق اولدیغی کلمه نکل آخری متحرک اولان	
یرلرده ادات مذکوردن اول بر (میم) ساکنه	
زیاده قلمنورق (بابامسی دده مسی) دینلور	شویله
تشبیه و تمثیل مقامنده استعمال اولنورلر	بویله
صانکه ادات تمثیلدر (صانکه بن سنی بیلورم) کبی	اویله

کبی	ادات تشبیه در مشبه بهلره لاحق اولور (انجو کبی)
که	ادات ربط در صفتی موصوفه و یا خود بر جمله یی دیگر جمله یه ربط ایدر
کی	ادات تعریف در مضاف الیه و ظرف لک آخرینه علاوه قلوب مضاف و مظروفی بیان و تعریف ایدر (اوده کی بازارلق چارشویه اویماز) کبی
لاک لق	اسمره لاحق اولدقده اادات مکان و صفتلره لاحق اولدقده مصدریت معناسنی افاده ایدر لر (اغاجلق یشیلک) کبی
لی او	ادات نسبت در اسمره لاحق اولور (تللی پوللی) کبی
می	ادات استفهام در فقط آخرنده ضمیر نسبی بولنان کلمه لرده دائماً ضمیر نسبیدن اول وضع اولنور (مکتبده میسکز او قویور میسکز) کبی
نه	ادات استفهام در (نه او قویورسک) کبی بعض کره دخی اادات نفی اولوب بو صورتده مکرر استعمال اولنور (نه یازدی ونه او قودی) کبی

ادات استفهامدر برشيئك حالندن سؤال مقامنده	نچه
قوللانييلور	
ادات استفهامدر مكاندن سؤال ايچون قوللانييلور	ره
ادات تمثيلدر ماقبلنى تمثيل وتفصيل ايدر	ننه كيم
(نونك) سكونيله اادات تعجبلدر امر حاضر ك	ندى
آخريته علاوه قنور	
(كلندى اوتورندى) كبي	
ادات تعجبلدر بعض كره دخی تأثر مقامنده	واى
قوللانييلور	
ادات تأسفدر مكرر اوله رق استعمال اولنور	واه
ادات ندادر تعجبل مقامنده قوللانييلور	هايدى
(هايدى كیده لم) كبي	
ادات تصديقدر (ها) تنبيه (هله) ترجى	هاى هاى
مقامنده استعمال اولنور لر	
ادات عطفدر مكرر قوللانييلور	هم
(هم يازدى هم اوقودى) كبي	
ادات استنادر (يا) اادات تردید اولوب	يوقسه
فعلارينك آخريته لاحق اولدوقده تأكيد افاده	
ايدر (اوقورسك يا) كبي	

❦ باب ثانی کلمات عربیه بیاننده در ❦

معلوم اوله که لسان عربیدن آله رق ترکیه ده قولانیلان
کله لر درت نوعدر (اسم . فعل اصلی . فعل . فعل فرعی)
وبعض ادوات اولوب بوندن اشاغی هر بررلری بر
فصلده بیان اولنده جغندن باب ثانی دخی درت فصلی
شامل اولور

❦ فصل اول اسمای عربیه بیاننده در ❦

اسمای عربیه (مشتق و جامد) قسملرینه منقسم اوله رق
ایکی نوعدر

(اسمای مشتقه) مصدرلردن یاییلان صیغه لر در که کیفیت
اشتقاقلری فعل فرعی بحشده کوستریله جکدر

(اسمای جامده) دیگر لفظلردن مأخوذ و مشتق اولمیان
کله لر در که بونلرده اسمای ترکیه کبی (علم . واسم جنس)
قسملرینه منقسمدر

(علم) بر شیء معینی افاده ایدن لفظدر (شام مصر
علی ولی) کبی

اسم جنس) بر جنسی افاده ایدن لفظدر (فرس
غنم اسد) کبی

تنبیه

لسان عربیده تأنیث و تذکیر معتبر اولدیغندن اسمای عربیه مذکر و مؤنث قسملرینه منقسمدر (مذکر) ارکات و یاخود ارکات حکمنده اولانلرک اسملریدر
(علی اسد سیف) کبی

(مؤنث) دیشی و یاخود دیشی حکمنده اولانلرک اسملریدر که جدولده کوستریله جکی وجهله ماده اصلیه اوزرینه زائد اوله رق آخرلرنده بر (ت) و یاخود (ی) شکلنده بر (الف) مقصوره و یاخود بر الف ممدوده بولان کله لر در (عایشه کبری زهراء) کبی اسمای عربیه کیمت جهتیله دخی اوچه منقسمدر
(مفرد تنبیه جمع) (مفرد) یالکز بر شیئی افاده ایدن کله لر در
(حجر شجر) کبی

(تنبیه) ایکی شیئی افاده ایدن کله لر در که مفردلرک آخرینه ماقبلی مفتوح بر (ی ن) و یاخود بر (ان) علاوه سیله حاصل اولورلر (جحرین شجرین جحران شجران کبی) (جمع) ایکیدن زیاده شیئی بیان و افاده ایدن کله لر در که آنلرده ایکی نوعدر (جمع سالم جمع مکسر)

جمع سالم

مفردینک صیغه سی بوزلیه رق قیاساً یاپیلان
 صیغه لردرکه جمع مذکر سالم مفردینک آخرینه
 ماقبلی مکسور بر (ین) ویاخود ماقبلی مضموم
 بر (ون) علاوه سیله جمع مؤنث سالم دخی
 مفردینک آخرینه بر (ات) زیاده سیله یاپیلور
 فقط اسمای جامده نک جمع مذکر سالم صیغه لری مستعمل
 اولیوب نادر اوله رق جمع مؤنث صیغه لری استعمال
 اولنور (رساله رسالات درجه درجات) کبی

جمع مکسر

مفردینک هیئت بوزلیه رق یاپیلان صیغه لردرکه
 مفردینه بعض حرفلر علاوه ویاخود بعض حرفنی حذفله
 حاصل اولورلر نتکم اوزان مشهوره سی جدول آتیده
 کوستریله جکدر

بوندن صکره معلوم اوله که لسان عثمانیده قولانیلان
 وبلکه لسان عربده دخی متعارف و مستعمل اولان اسملر
 اوچ صنف اوزرینه ترتیب اولنمیشدر

صنف اول

ثلاثی مجرد و ثلاثی مزید صیغه لردرکه ماده اصلیه لری

اوچ حرفلی ویاخود مادهٔ اصلیه اوزرینه ادات تأنیشن
 بشقه شو (آی وان) بش حرفدن بر ویا ایکی حرف
 زیاده قلنان اسملدر (فرس طریق عمود جاد قانون
 واقلم) کبی

صنف ثانی

رباعی مجرد ورباعی مزید صیغه لیدر که مادهٔ اصلیه لری
 درت حرفلی ویاخود مادهٔ اصلیه اوزرینه حروف
 مذکور ه دن بر حرف زیاده قلنان اسملدر
 (عَـقَـرَـبَـ عَـصَـفَـوَرُ کَـبَـرِیتُ وَ قَـنَـطَـارُ) کبی

صنف ثالث

خجاسی مجرد خجاسی مزید صیغه لیدر که مادهٔ اصلیه لری
 بش حرفلی ویاخود مادهٔ اصلیه اوزرینه حروف
 مذکور ه دن بر حرف زیاده قلنان اسملدر
 (سَـفَـرَـجَلُ عَـنَـکَـبُوتُ زَـعَـفَرَانُ وَ سَـلَـسَـبِیلُ) کبی

تنبیه

بیان مذکور دن اکلاشلدیغی وجهله اسمای عربیه نك
 مادهٔ اصلیه لری اوچ حرفدن اقل و بش حرفدن زیاده
 اوله مز اوچ حرفدن اقل اولدیغی صورتده اول اسملره
 معنل دینلور (اَبَ اَخَ یَدَ دَمَ فَمَ) کلمه لری کبی که

یونلر فی الاصل اوج حرفلی اولوب صکره دن بر حرفلری
حذف اولنشد و اگر ماده اصلیه بش حرفدن زیاده
اولور ایسه اول اسملر دخی مرکب عد اولنور
(حضر موت) کبی ایمدی اسمای عربیه سهولتله ضبط اولنق
و ماده اصلیه اوزرینه زیاده قلنان حرفلریکنظرده بیلنک
اوزره هر صنفک وزنلریله حداسنده مثالاری درج ایدلش
وجع مکسرلری دخی ذیل جدولده آریجه کوسترلشد

فَعَلَ	فَعَلَ	فَعَلَ	ثلاث مجرد	عَقَلَ	فَكَرَ	حَكَمَ
فَعَّلَ	فَعَّلَ	فَعَّلَ		عَقَّمَ	أَبَلَ	عَنَقَ
فَعَّلَ	فَعَّلَ	فَعَّلَ		مَلَكَ	رَجَلَ	عَنَبَ
فَعَّلَ	فَعَّلَ	فَعَّلَ		بَلَدَ	قَبَلَ	نَسَخَ
فَعَّلَ	فَعَّلَ	فَعَّلَ		رَقَبَ	مَلَكَ	حَطَمَ
فَعَّالَ	فَعَّالَ	فَعَّالَ	ثلاث مجزوء	زَمَانَ	لِسَانَ	بُخَارَ
فَعَّوْلَ	فَعَّوْلَ	فَعَّوْلَ		عَمُودَ	قَنُوتَ	طَرِيقَ
فَعَّالَهُ	فَعَّالَهُ	فَعَّالَهُ		عَمَامَهُ	رِسَالَهُ	دُجَاجَهُ
فَعَّوْلَهُ	فَعَّوْلَهُ	فَعَّوْلَهُ		بِعَوَضَهُ	عَقُوبَهُ	طَرِيقَهُ

افعال	افعل	افعله	نم	افكار	انجم	امثله
فعل	فعل	فعل	نم	كتب	رتب	نم
فعل	فعال	فعالان	وزن	عقول	رجال	نيران

تنبیه

اسماء ثلاثیه نك جمع مكسر لری سماعی اولوب بالاده
كوستریلان طقوز وزندن برینه تطبیقا یاپیلور ایسه ده
اسمای مذکوره دن

(فعاله فعوله وفعیله) صیغه لری اکثری (فعائل)
وزنی اوزره جمعلنور (رساله رسائل مجوزه عجائر
وقبيله قبائل) کبی

فعل	فعل	فعل	ربیع	کوکب	درهم	برقع
فعل	فعل	فعل	ربیع	یثرب	حنصر	سقصر
فعل	فعل	فعل	ربیع	قنطره	سلسله	سنبله

فَعْمُول	فَعْمُول	أَفْعُول	رَبْعِي	عَصْفُور	جَهْوَر	أَقْنُوم
فَعْلِيل	فَعْلِيل	أَفْعِيل	رَبْعِي	قَنْدِيل	كَبْرِيَّت	أَنْجِيل
فَعْلَال	فَعْلَال	فَاعُول	رَبْعِي	شَمَلال	قَرطاس	قَانُون
فَعْلَان	فَعْلَان	فَعْلَان	رَبْعِي	حَيَوَان	أَنَسَان	قُرْبَان
فَعْلَعَل	فَعْلَعَل	فَعْلَعَل	رَبْعِي	سَفَرَجَل	قَرْنَقَل	جَرْدَحَل
فَعْلَعَال	فَعْلَعَال	فَعْلَعُول	رَبْعِي	زَعْفَرَان	سَلْسَبِيل	عَنْكَبُوت

تنبیه

اسمائی رباعیه ایله خاسیه لرك جمع مكسرلری قیاسی
اولدیغندن بونلردن رباعی مجرد ایله خاسیلر دائماً
(فَعَالِل) ورباعی مزید لر دخی (فَعَالِل) وزنلری
اوزینه جملنور فقط خاسیلرك جملرنده حرف اخیر ترك
اولتیق لازمه دندر

(عَقْرَب عَقَارِب عَصْفُور عَصَافِر عَنْكَبُوت عَنَّاكِب)
سَفَرَجَل سَفَارِج کبی

خفی اولیه که رباعی مزید وزنلری صره سنده مندرج

(اَفْعُولُ اَفْعِيلُ فاعول و فُعْلان) صیغه لری هر تقدیر
 صنف اولدن ایسه ده بونلرک جمع مکسر لری دخی دائماً
 (فَعَالِل) وزنی اوزرینه کلدیکندن صنف ثانیده
 کوسترلشدر

(اسْطُوب اسَالِيب اَقْلِم اَقَالِم قانون قوانین سُلطان
 سَلاطین) کبی

❦ فصلی ثانی فعل اصلی بیاننده در ❦

(فعل اصلی) باب اولده معلوم اولدیغی وجهله
 مصدر لر درکه (مجرد و مزید) قسملرینه منقسم اوله رق
 بونلرده ایکی صنف اعتبار اولنمشدر

❦ مصدر مجرد ❦

مادهٔ اصلیه سی اوچ حرفلی اولوب حرکه لرک اختلافی
 و مادهٔ اصلیه اوزرینه بعض حرفلر علاوه سیله تشکل ایدن
 صیغه لر درکه مشهور و مستعمل اولان وزنلری جدول آتیده
 کوسترلشدر

❦ مصدر مزید ❦

مادهٔ اصلیه اوزرینه بعض حرفلر زیاده سیله یاییلان
 صیغه لر درکه لسان عثمانیده قولانیلان وزنلری اون
 ایکیدر

ایمدی لسان عثمانیده مستعمل و در مصدر مجرد و مصدر مزید
وزنلری دخی سهولتله ضبط اولمق و ماده اصلیه اوزرینه زیاده
قلنان حرفلر کوسرملک اوزره آتی جدوللر رسم اولنوب هر صنفک
وزنلریله برابر مثاللری دخی جدول مذکورده درج اولمشدر

مصدر مجرد جدولی

امثله			اوزان		
شکر	علم	کتب	فعل	فعل	فعل
عنلت	هجرت	زجت	فعلت	فعلت	فعلت
سؤال	عقاب	عذاب	فعل	فعل	فعل
بغایت	عنایت	نظارت	فعلت	فعلت	فعلت
غفران	حرمان	حیران	فعلان	فعلان	فعلان
بشری	ذکری	دعوی	فعلی	فعلی	فعلی
رحیل	دخول	قبول	فعل	فعل	فعل
فضیلت	سهولت	عطوفت	فعلت	فعلت	فعلت
لغز	صفر	طلب	فعل	فعل	فعل
حرکت	جریان	سیرقه	فعلت	فعلان	فعله
مغفرت	مدخل	حیلولة	مفعلت	مفعل	فعلولة

مصدر مزید جدولی

امثلہ			اوزان	
تَکَرِّم	اَکْرَام		تَفْعِيل	اَفْعَال
تَدَاخُل	تَشْکُر		تَفَاعُل	تَفْعَل
اَنْشِرَاح	اَجْتِمَاع		اَنْفَعَال	اَفْتَعَال
اَغْبِرَار	مَحَارِبَه		اَفْعَال	مَفَاعِلَه
اَضْمَحْلَال	اِسْتِعْلَام		اَفْعِلَال	اِسْتَفْعَال
تَسْلُسُل	وَسُوسَه		تَفْعَلَل	فَعْلَلَه

تنبیہ

کَرک مصدر مجرد و کَرک مزید صیغہ لرینک استعمالی
سماعی اولدیغندن هر ماده ایسته نیلان وزن اوزره
قوللانیله من مثلاً (خرج) ماده سندن فانک ضمیله
(فُعول) وزنی اوزره (خروج) صیغہ سی کذلک
مزید ایدن (افعال و استفعال) وزنلری اوزره (اِخْرَاج
و استخرَاج) صیغہ لری قوللانیلوب دیکرلری استعمال
اولنه من

معلوم اوله که مصدرلرک آخرنده بولنان (تالر) لسان

عربیده هر نقدر (تای کرد) اوله رق (های) رسمیه صورتنده یاز یلور ایسه ده لسان عثمانیده اکثری (تای طویل) صورتنده و بعض کره دخی (تای کرد) شکلنده تحریر اولنور

فقط تای کرد صورتنده یازلدیغی حالده نقطه وضع اولنموب طبق (های) رسمیه حکمنده اولور لر (قدرت سعادت جایه) کبی کذلات مفرد مؤنث تالری دخی لسان عثمانیده های رسمیه صورتنده یاز یلوب نقطه لری ترک اولنور ایسه ده جمع مؤنث تالری دائماً تای طویل شکلنده یاز یلور (مکتوبات) کبی

فصل ثالث فعل فرعی بیانده در

(فعل فرعی) بعض حرفلر علاوه سیله مصدرلردن یاپیلان کلمه لردر که لسان ترکیده مشهور و مستعمل اولانلر (اسم فاعل . اسم مفعول . اسم مکان . اسم آلت . اسم منسوب . صفت مبالغه . اسم تفضیل . صفت مشبهه) صیغه لری در بونلردن اسم فاعل ایله اسم مفعول صیغه لری هم مصدر مجرد و همده مزیدادن تشکیلی ایدوب دیکرلری یالکیز مصدر مجردلردن یاپیلور که صورت تشکیللری بوجه آتی بیان اولنور

اسم فاعل

فعل کندوسیه قائم اولان ذاتی اشعار ایدن صفتلردر که

مصدر مجرد لر د ن یاپیلان اسم فاعل لرده ماده اصلیه نك برنجی حرفندن صکره بر (الف) زیاده و مزید اتدن اولانلرده مصدر لرك اولنه بر (میم) مضمومه علاوه قلنه رق مفرد صیغه لری حاصل اولوب بعده (تثنیه و جمع) اداتلریله دیگر صیغه لری یاپیلور (شکر شا کر و تشکر متشکر) کبی فقط اولارنده (همزه) ایله حرف اخیر لری نك ماقبلنده (الف) بولنان مصدر مزید لرك اسم فاعل واسم مفعول لرنده حروف مذکوره حذف اولندیغی کبی اولنده (تا) ایله حرف اخیرك ماقبلنده (ی) بولنان یرلرده دخی اول حرفلر حذف اولنوب حرف اخیرك ماقبلی تضعیف قلنور (اسراف مسرف ترتیب مرتب) کبی

اسم مفعول

فعل کندوسی اوزرینه واقع اولان ذاتی اشعار ایدن صفتلر در که مصدر مجرد لرده ماده اصلیه نك اولنه بر (میم) مفتوحه ایله ایکنجی حرفندن صکره بر (واو) ساکنه و مزید اتده مصدر لرك اولنه بر (میم) مضمومه علاوه سیله مفرد صیغه لری حاصل اولوب بعده (تثنیه و جمع) اداتلریله دیگر صیغه لری یاپیلور (علم معلوم و تعلیم معلم) کبی

فقط اسم فاعلارده حرف اخيرك ما قبلی دائما مكسور
ومزيداتدن ياپيلان اسم مفعولارده دائما مفتوح او قونه رق
بر برندن فرق اولنور

اسم مكان

اجرا اولنان فعلك محل و مكاني اشعار ايدن كله لردر كه
ماده اصلیه نك اولنه بر (ميم) مفتوحه علاوه سيله مفرد
صيغه لری حاصل اولوب بعده تننيه و جعلری طبق اسملری
كبي ياپيلور (كتب مکتب و كسب مكسب) كبي فقط
حرف اخيرك ما قبلی اكثری مفتوح و بعض كره دخي
مكسور او قنور (مرجع و منزل) كبي

اسم آلت

فعلي اجرايه آلت اولان بر شيئي افاده ايدن كله لردر كه
ماده اصلیه نك اولنه بر (ميم) مكسوره علاوه سيله
و بعض كره دخي ميم ايله برابر حرف اخيرك ماقبلنه برده
(الف) زياده سيله مفرد صيغه لری حاصل اولوب بعده تننيه
جمع اداتلريله ديكر صيغه لری ياپيلور (معبر و مفتاح) كبي

اسم منسوب

فعلارك بر ذاته نسبتني افاده ايدن كله لردر كه كرك مصدر لرك
و كرك افعال فرعيه نك آخر لرينه بر (يای) مشدده

زیاده سیله مفرد صیغه لری حاصل اولوب بعده تثنیه
 و جمع اداتلرینک علاوه سیله دیگر صیغه لری یاپیلور
 (علمی ظنی احتمالی) کبی بعض کرّه اسم منسو و بلرک
 آخیرینه بر (نای) طویلّه زیاده قلنوب مصدریت معناسنی
 افاده ایدر (حَلِیت کَامِلِیت) کبی

صفت مبالغه

معنای مصدری ایله بر ذاتک دوام اوزره اتصافنی بیان ایدن
 کلمه لر در که ماده اصلیه نک ایکنجی حرفی تضعیف اولاندقدن
 صکره حرف اخیرک ماقبلنه بر (الف) علاوه سیله مفرد
 صیغه لری حاصل اولوب بعده تثنیه و جمع اداتلریله دیگر
 صیغه لری یاپیلور (عِلْمَ عَلام و سَتَر سَتار) کبی

یوندن بشقه مبالغه اسم فاعلک اون بش قدر وزن و صیغه لری
 ده وار ایسه ده لسان ترکیده مشهور و متعارف اولمقدلرندن
 بورساله ده ذکر و تفصیل لرندن صرف نظر قلندی

اسم تفضیل

معنای مصدری ایله بر ذاتک کمال اتصافنی بیان و اشعار
 ایدن کلمه در که ماده اصلیه نک اولنه بر (همزه)
 مفتوحه زیاده سیله مفرد صیغه لری حاصل اولوب بعده

تثنيه وجمع اداترليه ديكر صيغه لری ياپيلور (اعظم
واکبر) کبی فقط اسم تفضيلارک مفرد مؤنث لری ماده
اصلیه نك آخرينه بر (الف) مقصوره علاوه سیه
ياپيلورکه بوالف مقصوره لسان عثمانیده اکثری الف
صورتده يازيلور (عظما وکبرا) کبی

صفت مشبهه

اخلاقه والوان وعیوبه دلالت ایدن برطاقم صفتلردرکه
اوندن زیاده وزن و صیغه لری وار ایسده لسان عثمانیده
کثیر الاستعمال اولان فانک قحیله (فعل) صیغه سی
اولوب ماده اصلیه دن حرف اخیرک ماقبلنه بر (یا) ی
ساکنه علاوه سیه ياپيلور (وکیل وزیر شریف) کبی
بونک جمع مکسری بعض کره فانک ضمی وعینک قحیله
(فُعلا) وزنی اوزرینه کلور (وکلّا وزرا شرفا) کبی
وبعض کره دخی همزه نك فتحی وعینک کسریله (افِعلا)
وزنی اوزرینه کلور (اقربا اصداقا احبا) کبی

ایمدی کرک مصدر مجرد وکرک مزید ایدن یاپیلان افعال فرعیه
دخی سهولتله ضبط اولتیق و ماده اصلیه اوزرینه زیاده قلنان
حرفلر بیلنمک اوزره جداول آتیه وضع اولنوب افعال
مذکور نك امثله مختلفه سیه برابر جملری دخی کوسترلشدر

ثلاثیلردن یاپیلان افعال فرعیه جدولی

افعال فرعیه	مفرد	تثنيه	جمع سالم	جمع مکسر
اسم فاعل { مذکر مؤنث	کاتب	کاتبان	کاتبون	کتاب
اسم مفعول { مذکر مؤنث	مشهور	مشهوران	مشهورون	کتبه
اسم مکان { مذکر مؤنث	مذهب	مذهبان	...	مذاهب
اسم آلت { مذکر مؤنث	معبره	معبران	...	معار
اسم منسوب { مذکر مؤنث	نشری	نشریان	نشریات	...
صفت مبالغه { مذکر مؤنث	صراف	صرافان	صرافون	...
اسم تفضیل { مذکر مؤنث	اکبر	اکبران	اکبرون	اکابر
صفت مشبهه { مذکر مؤنث	شریف	شریفان	...	شرفاء

مزید اُتدن یاییلاق اُفعال فرعیہ جدولی

مصدر	ک	ک	مصدر	ک	ک
اُفعال	مفعَل	مفعَل	اُکرام	مفعَل	مکرم
اُفعال	مفعَل	مفعَل	اُقتدار	مفعَل	مقتدر
اُفعال	مفعَل	مفعَل	اُنکسار	مفعَل	منکسر
اُفعال	مفعَل	مفعَل	اُغبرار	مفعَل	مغبر
مفاعله	مفاعل	مفاعل	مُحاربہ	مفاعل	مُحارب
تفعیل	مفعَل	مفعَل	ترتیب	مفعَل	مرتب
تفعل	متفعل	متفعل	تشکر	متفعل	متشکر
تفاعل	متفاعل	متفاعل	تناسب	متفاعل	متناسب
استفعال	مستفعل	مستفعل	استرحام	مستفعل	مسترحم
تفعیل	متفعل	متفعل	تسلسل	متفعل	متسلسل
فعلله	مفعَل	مفعَل	وسوسہ	مفعَل	موسوس
اُفعللال	مفعَل	مفعَل	اُضمحلال	مفعَل	مُضمحل

بوندن صکره معلوم اوله که افعال عربیه مادهٔ اصلیه لرنده
 حروف علت دینلان شو (و ی ا) اوج حرفدن
 بری بولنمبوب ایکنجی و اوچنجی حرفلر دخی برجنسندن
 اولمز ایسه اول فعله (سالم) واکر حروف مذکوره دن
 برحرف بولنور و یاخود ایکنجی و اوچنجی حرفلری
 برجنسندن اولور ایسه اول فعله دخی (معتل) تسمیه
 اولنور که حروف مذکوره مادهٔ اصلیه نک اولنده واقع
 اولدیغی حالده (مثال) اورته سنده بولندیغی صورته
 (اجوف) آخرنده بولندیغی تقدیرده (ناقص)
 ایکنجی و اوچنجی حرفلری برجنسندن اولدیغی صورته
 دخی (مضاعف) دینلور بعض کره دخی بر ماده ده
 حروف علتدن ایکی حرف بولنه بیلور که اکر حروف
 مذکوره مادهٔ اصلیه نک ابتداسیله آخرنده واقع اولور
 ایسه اول کلمه یه (لفیف مفروق) واکر اورته سیله
 آخرنده بولنور ایسه (لفیف مقرون) دیرلرایمدی معتل
 اولان ماده لر دن یاپیلان بعض صیغه لر ده تبدلات و تغیرات
 وقوع بولدیغندن معتلات مذکوره ایچون دخی آریجه
 جدولار وضع و رسم اولوب یالکز تبدل و تغیر ایدن صیغه لر
 جدول مذکوره ده درج ایدیه جک مثالری کوسترلشدر

مثال جدولی

مصدر	فاعل	اسم مفعول	مصدر	فاعل	اسم مفعول
فعل	فاعل	مفعول	وَصَلَ	وَاصِلٌ	مُوصِلٌ
افعال	مفعل	مفعل	اِبْصَالَ	مُوصِلٌ	مُوصِلٌ
افتعال	مفتعل	مفتعل	اِتَّصَالَ	مُتَّصِلٌ	مُتَّصِلٌ
استفعال	مستفعل	مستفعل	اِسْتَبْصَالَ	مُسْتَوْصِلٌ	مُسْتَوْصِلٌ
فعل	فاعل	مفعول	يَسَرَ	يَاسِرٌ	مَيْسُورٌ
افعال	مفعل	مفعل	اَيَّسَرَ	مُوسِرٌ	مُوسِرٌ
افتعال	مفتعل	مفتعل	اَتَّسَرَ	مُتَّسِرٌ	مُتَّسِرٌ
استفعال	مستفعل	مستفعل	اِسْتَيْسَرَ	مُسْتَيْسِرٌ	مُسْتَيْسِرٌ
فعل	فاعل	مفعول	أَجَرَ	أَجِرٌ	مَأْجُورٌ
افعال	مفعل	مفعل	اِجَّارَ	مُوجِرٌ	مُوجِرٌ
افتعال	مفتعل	مفتعل	اِتَّجَرَ	مُتَّجِرٌ	مُتَّجِرٌ
استفعال	مستفعل	مستفعل	اِسْتَجَرَ	مُسْتَأْجِرٌ	مُسْتَأْجِرٌ

مثال واری

مثال یائی

مثال همزه وی

اجوف جدولی

مصدر	اسم فاعل	اسم مفعول	مصدر	اسم فاعل	اسم مفعول
فعل	فاعل	مفعول	قول	قائل	مقول
افعال	مفعول	مفعول	اقامه	مقيم	مقام
افتعال	مفتعل	مفتعل	اعتیاد	معتاد	معتاد
استفعال	مستفعل	مستفعل	استعانہ	مستعين	مستعان
فعل	فاعل	مفعول	بيع	بايع	مبيع
افعال	مفعول	مفعول	اشاره	مشير	مشار
افتعال	مفتعل	مفتعل	اختيار	مختار	مختار
انفعال	منفعل	منفعل	انقياد	منقاد	منقاد
استفعال	مستفعل	مستفعل	استفاده	مستفيد	مستفاد
فعل	فاعل	مفعول	سئل	سائل	مسئول
افعال	مفعول	مفعول	اسأل	مسئل	مسأل
افتعال	مفتعل	مفتعل	استأل	مستأل	مستأل
انفعال	منفعل	منفعل	انسأل	منسأل	منسأل
استفعال	مستفعل	مستفعل	استسأل	مستسأل	مستسأل

اجوف وروی

اجوف یلی

اجوف مزہوی

ناقص جدولی

مصدر	اسم فاعل	اسم مفعول	مصدر	اسم فاعل	اسم مفعول
فعل	فاعل	مفعول	عفو	عافی	معفو
افعال	مفعول	مفعول	الغاء	ملغی	ملغاً
افتعال	مفتعل	مفتعل	اقتداء	مقتدی	مقتدا
انفعال	منفعل	منفعل	انزواء	منزوی	منزوا
تفعیل	مفعول	مفعول	تفصیلہ	مصلی	مصلاً
تفعل	متفعل	متفعل	تشکی	متشکی	متشکاً
تفاعل	متفاعل	متفاعل	تراضی	مراضی	مراضاً
مفاعله	مفاعل	مفاعل	مصافاة	مصافی	مصافاً
استفعال	مستفعل	مستفعل	استغفاء	مستغفی	مستغفاً
فعل	فاعل	مفعول	رمی	راحی	مرمی
افعال	مفعول	مفعول	اخفاء	مخفی	مخفاً
افتعال	مفتعل	مفتعل	اختفاء	مختفی	مختفياً
انفعال	منفعل	منفعل	انجلاء	منجلی	منجلاً

ناقص و اوی

ناقص بانی

ناقص جدولی

اسم مفعول	اسم فاعل	مصدر		اسم مفعول	اسم فاعل	مصدر
مُولَا	مُولی	تَوَلَّاهُ	ناقص یائی	مفعِل	مفعِل	تَفَعَّلَ
مُتَمَنَّا	مُتَمَنِّی	تَمَنَّى		مَتَفَعَّلَ	مَتَفَعَّلَ	تَفَعَّلَ
مُتَنَاهَا	مُتَنَاهِی	تَنَاهَى		مَتَفَاعَلَ	مَتَفَاعَلَ	تَفَاعَلَ
مُنَافَا	مُنَافِی	مُنَافَاةٌ		مُفَاعَلَ	مُفَاعَلَ	مُفَاعَلَهُ
مُسْتَفْعَنَا	مُسْتَفْعِنِی	اسْتَفْعَنَاهُ	ناقص همزه وی	مُسْتَفْعَلَ	مُسْتَفْعَلَ	اسْتَفْعَلَ
مَبْدُو	بَادِی	بَدَّ		مَفْعُول	فَاعِل	فَعَلَ
مُنْشَا	مُنْشِی	اِنْشَاء		مَفْعُل	مَفْعُل	اِفْعَالَ
مُبْدَا	مُبْدِی	اِبْتَدَاء		مَفْتَعَلَ	مَفْتَعَلَ	اِفْتَعَالَ
مُجْزَا	مُجْزِی	اِنْجِزَاء		مَنْفَعَلَ	مَنْفَعَلَ	اِنْفَعَالَ
مَجْزَا	مَجْزِی	تَجَزَّاهُ		مَفْعَل	مَفْعَل	تَفَعَّلَ
مُجْزَا	مُجْزِی	تَجَزَّى		مَتَفَعَّلَ	مَتَفَعَّلَ	تَفَعَّلَ
مُجْزَا	مُجْزَاِی	تَجَزَّاهُ		مَتَفَاعَلَ	مَتَفَاعَلَ	تَفَاعَلَ
مُجْزَا	مُجْزَاِی	تَجَزَّاهُ		مُفَاعَلَ	مُفَاعَلَ	مُفَاعَلَهُ
مُسْتَهْزَا	مُسْتَهْزِی	اسْتَهْزَاهُ		مُسْتَفْعَلَ	مُسْتَفْعَلَ	اسْتَفْعَلَ

تنبیه

خفی اولیه که ناقص گردن یا پیلان مزیداتک اسم مفعولاری
 هر نقدر (یا) ایله تحریر اولنمق ایجاب ایدر ایسه ده
 لسان عثمانیده بونلر اکثری (الف) ایله یازلدیغندن
 جدولده اولوجهله تحریر و املا اولنمشدر
 مضاعف جدولی

مصدر	فعل	مفعول	مصدر	فعل	مفعول
فعل	فاعل	مفعول	مد	ماد	مدود
افعال	مفعل	مفعل	امداد	ممد	ممد
افتعال	مفتعل	مفتعل	امتداد	متمد	متمد
انفعال	منفعل	منفعل	انسداد	منسد	منسد
تفعیل	مفعل	مفعل	تجدید	مجدد	مجدد
تفعل	متفعل	متفعل	تجدد	مجدد	مجدد
تفاعل	متفاعل	متفاعل	تماس	متماس	متماس
مفاعله	مفاعل	مفاعل	تماسه	مماس	مماس
استفعال	مستفعل	مستفعل	استقلال	مستقل	مستقل

معلوم اوله که مهموز و مضاعف اولان کله لر فن صرفده هر نقدر سالم عد اولنور لر ایسه ده بونلرده دخی بعض مرتبه تبدلات وقوعبولدیغندن معتلات صره سنده تحریر اولندی

مثالارده اولان تبدلات

جدولده کوسه ترلدیکی وجهله مثال واوی ایله مثال همزه وی اولان ماده لرك (افعال واستعمال) صیغه لرنده (واو) ایله (همزه) (یا) (تحویل و) (افعال) صیغه سیله مشتقلرنده (تایه) تبدیل قلنه رق افعالک تاسیله ادغام اولنور (ایصال و ایجار اتصال و اتخاذاستیصال و استیجار) کبی کذلک مثال یا ثلرك (افعال) صیغه سیله مشتقلرنده (یا) (تایه) قلب اولنه رق ادغام و (افعال) صیغه سنک مشتقلرنده (همزه) ایله (یا) (واوه) تبدیل قلنور (اتسار متسر موجر موسر) کبی فقط مهموز اولان (افعال) صیغه سنک مشتقلری همزه ایله دخی استعمال اولنور (ایمان مؤمن) کبی

اجوفلرده اولان تبدلات

اجوف اولان ماده لرك (افعال واستعمال) صیغه لرنده (واو) ایله (یا) حذف اولنه رق آخرلینه بر (تا) زیاده قلنوب اسم فاعلده واو (یا) (تحویل و اسم

مفعولده (واو) ایله (یا) (الفه) تبدیل اولنورلر
 (اقامت • استقامت • استشاره • مشیر • مشارومستشار)
 کبی (افتعال وانفعال) صیغهلرنده (واو) (یا) (الفه)
 اولنوب اسم فاعل واسم مفعوللرنده (واو) ایله (یا) (الفه)
 تبدیل قلنورلر بوضورتده (افتعال وانفعال) صیغهلرینک
 اسم فاعل واسم مفعوللری هر نقدر لفظاً بربرینه بکزرلر
 ایسه ده معنا جهتیه یکدیگکردن فرق وتمیز اولنورلر
 (احتیاج وانقیاد محتاج ومنقاد) کبی اجوفلرک ثلاثی
 اسم فاعللرنده واو ایله (یا) همزهیه تبدیل واسم مفعوللرنده
 (واو) حذف اولنوب اسم مکانلرنده (الفه) تحویل
 قلنق و یا یلرده اسم مفعول واوی حذف اولنق قواعد
 صرفیه دندر (قائل وزائد • مقول ومزید • مقال ومزاد) کبی
 ناقصلرده اولان تبدلات

ناقص اولان ماده لرك (افعال وافتعال وانفعال واستفعال)
 صیغهلرنده واو ایله (یا) همزهیه تبدیل اولنور
 (اجراء واقضاء • انجلاء واستعفاء) کبی فقط همزه
 مذکوره لسان عثمانیده ترك اولنورق استعمال اولنور
 (تفعل وتفاعل) صیغهلرنده واو ایله (همزه) دائماً (یا) (الفه)
 تبدیل و (مفاعله) صیغه سنده حروف علت (الفه)
 تحویل قلنوب (تفعیل) صیغه سنده آخرینه بر (تا)
 کتور یله لرك (واو) (یا) (الفه) قلب اولنور

(تجزی و تعاطی مجازاة و تصلیه) کبی بونلرک مکافه سنک
 اسم فاعلارنده حروف مذکوره (یا به) تبدیل واسم
 مفعولارنده (الفه) تحویل قلنورکه الف مذکوره
 هر نقدر (یا) شکننده یازلق اصول املادن ایسه ده
 لسان عثمانیده اکثری الف صورتنده یازیلور (منتهی
 و منتهی . مستدعی و مستدعا) کبی ناقصلرک ثلاثی اسم
 فاعلارنده واو ایله همزه (یا به) تبدیل و ناقص و او یلرک
 اسم مفعولارنده (واو) ادغام اولنمق و ناقص یایلرده
 اسم مفعول و او ی (یا به) تحویل اولنهرق ادغام ایدلک
 قواعد مرعیه دندر (حافی و بادی . معفو و مرعی) کبی

تنبیه

ناقصلردن یاپیلان ثلاثی اسم فاعلارک (فعله) وزنده
 بولنان جمع مکسرلرنده دخی حروف علت (الفه) قلب
 اولنوب حرف اولاری مضموم قلنهرق استعمال اولنور
 (قضاة و عصاة) کبی

مضاعفولده اولان تبدلات

مضاعف اولان ماده لرده او چنجی حرف ایکنجی حرفه
 ادغام و ادخال اولنهرق خطدن حذف اولنورکه مثالاری
 جدولده کوسرلمشدر فقط (مفاعله و تفاعل و افتعال و انفعال)
 صیغه لرینک اسم فاعل و اسم مفعولاری هر نقدر لفظاً بر برینه

مشابه ايسه ده معنا جهتيلا يكد يكردن فرق اولنور
مضاعفلك اسم مكان واسم تفضيلارنده دخي ايكنجى
حرفلى ادغام ايديلهرك استعمال اولنور مرور
(نمر و امر) كى

(لفيف مفروق) اولان ماده لرده هم مثاليت وهمده
ناقصيت بولنديغندن مثال و ناقص لرده جارى اولان تبدلات
عينيله بولنده دخي اجرا اولنوب (لفيف مقرون)
اولان ماده لك احوالى دخي طبق اجوف و ناقص كيدر
بولندن صكره معلوم اوله كه ماده اصليله نك اولنده اكر
شو (ص ض ط ظ) درت حرفدن برى بولنور ايسه
(افتعال) صيغه سيله مشتق لرنده افتعالك تاسى (طايه)
تبديل اولنور (صلح اصطلاح و ضرب اضطراب و طرد
اطراد و ظلم اظلام) كى كذلك ماده اصليله نك اولنده
شو (د ذ ر) اوچ حرفك برى بولنديغى صورته دخي
(افتعالك) تاسى (داله) تبدل ايديلور (دعوى ادعاء
و ذكر اذكار و زوج ازدواج) كى

املا

معلوم اوله كه كرك فعل و كرك اسم لك اولنده بولنان
همزه ل دائما (الف) صورته يازيلوب اوزرينه
(عين بقر) تحرير اولنور (امر آمر) كى

اورته ده واقع اولوبده كندی ساكن ماقبلې متحرك اولور ايسه همزه ماقبلنك حركه سنه تابع اولور يعنى ماقبلې مفتوح ايسه (الف) صورتده مضموم اولديغى حالده (واو) و مكسور اولور ايسه (يا) صورتده يازيلوب حروف مذكوره نك اوزرينه كذاك بر (عين بترا) وضع اولنور (كآس . سؤر . يئر) كې

فقط همزه متحرك اولوبده ماقبلې ساكن اولور ايسه همزه نك حركه سي فتحه و كسره اولديغى حالده (يا) وضعه اولديغى تقديرده (واو) صورتده يازيلور (مسئله سائل مسؤل) كې

ايكيسيده متحرك اولديغى حالده همزه دائما ماقبلنك حركه سنه تابع اوله رق تحرير اولنور (سؤال . فته . ورؤس) كې فقط شو ايكي صورتده (مسؤل ورؤس) كې كلمه لرده ايكي (واو) يازلق ايجاب ايدر ايسه ده اختصار ايچون بومقوله يرلرده بر (واو) ايله اكتفا اولنور

آخرده واقع اولان همزه لر دائما ماقبلنك حركه سنه تابع اولوب ماقبلې ساكن اولديغى حالده كندی صورتده يازيلور (جزء بده) كې فقط همزه نك ماقبلنده حروف علتدن بر حرف بولنديغى حالده لسان عثمانيده بومقوله همزه لر اكثري ترك اولنور (دعا . برى . وضو) كې

فصل رابع ادوات عربیه بیانده در

همزه نك قحیله (ال) لفظی ادات تعریفدر که الفاظ عربیه نك اولارینه زیاده قلنوب معنالرینی تعریف و بیان ایدر ادات مذکورك همزه سی ابتدا حالنده ثابت وصل حالنده تلفظدن ساقط اولور (الحاصل والحاصل) کبی فقط بعدنده حروف شمسیدهن بر حرف بولنور ایسه ادات مذکور وصل حالنده بتون بتون تلفظدن ساقط اولوب بعدنده بولنان حرف تضعیف قلنور (السلام والسلام) کبی حروف شمسیه شو (ت ث د ذ ر ز س ش ص ض ط ظ ن) اون اوچ حرفه دنیلوب ماعداسنه حروف قریه دیرلر تشدید ایله (ی) حرفی ادات نسبتدر که الفاظ عربیه نك اخرلرینه لاحق اولوب نسبت و مناسبت معناسنی افاده ایدر (مصری و شامی) کبی فقط آخرنده (تائی) تأنیت بولنان کله لرده (تائی) مذکوره حذف اولنمق قواعد صرفیه دندر (کوفی و بصری) کبی كذلك الف ممدوده و یاخود مقصوره بولندیغی صورته الف مقصوره ایله ممدوده نك همزه سی (واوه) قلب اولنوب نسبتلرنده (دنیوی اخروی و بیضاوی و صحراوی) دنیلور بعض اسملرده ادات نسبتدن اول برده (الف نون) زیاده قلنور (روحانی و جسمانی) کبی بعض کره

دخی ادات نسبتدن صکره بر (تائی) طویله علاوه
اولنور که مصدریت معناسنی افاده ایدر (بشریت
جسمانیت) کبی

عربی	ترکی	(جدول ادات)
عَلَى	اوزره	معناسنه ادات استعلادر (علی الحساب) کبی
مِنْ	دن	معناسنه ادات ابتدادر (من بعد) کبی
إِلَى	دک	معناسنه ادات انتهدادر (الی نهایت) کبی
فِي	ده	معناسنه ادات ظرفدر (فی الحال) کبی
عَنْ	دن	معناسنه ادات مجاوزتدر (عن قصد) کبی
مَعَ	ایله	معناسنه ادات مصاحبتدر (مع الاسف) کبی
لِ	ایچون	معناسنه ادات تعلیلدر (لمصلحة) کبی
بِ	ایله	معناسنه ادات الصاقدر (بالسلامه) کبی
كَ	کبی	معناسنه ادات تشبیهدر (کالاول) کبی
لَا	سز	معناسنه ادات نفیدر (لا بأس) کبی
ذِي	صاحب	معناسنه ادات نسبتدر (ذی عیال) کبی
لَدَى	قیت	معناسنه ظرف زماندر (لدى الحاجه) کبی

معلوم اوله که کرک حرف تعریف و کرک جدول مذکورده
کوستریلان اداتلر دائما الفاظ عربیه نك اولارینه زیاده قلنوب
فارسی و ترکی لفظلرینه داخل اولدمن فقط بوندن آشاغی
ذکر اولنان اداتلر مشترک اوله رق استعمال اولندیغندن
آیرجه جدولده درج ایدیلرک بوجه آتی بیان اولنور

عربی	ترکی	(جدول ادوات)
مثلا	نتکم	معناسنه ادات تمثیلدر ماقبلنی تمثیل ایدر
البته	۰۰۰	ادات تأکیددر بر جمله نك مضموننی تأکید ایدر
کآن	صانکه	معناسنه تشبیه و تمثیل مقاملرنده قوللانیلور
الّا	یوقسه	معناسنه استثنا و تأکید مقامنده قوللانیلور
فقط	انجق	معناسنه ادات حصردر استدراک ایچون دخی کلور
اما	ایمدی	معناسنه ادات تفصیلدر شرط مقامنده قوللانیلور
حتی	بیله	معناسنه ابتدا و ترقی مقاملرنده استعمال اولنور
ماعدأ	بشقه	معناسنه استثنا مقامنده قوللانیلور
لکن	۰۰۰	استدراک و استثنا مقاملرنده قوللانیلور
مادام	چونکه	معناسنه تعلیل مقامنده استعمال اولنور
حاشا	۰۰۰	ادات استثنادر انکار مقامنده قوللانیلور

❦ باب ثالث کلمات فارسیه بیانده در ❦

معلوم اوله که لسان فارسیدن آلنه رقی ترکیه ده قوللانیلان
کلمه لر دخی اوچ نوعدر (اسم فعل فرعی) و بعض ادوات
اولوب بوندن اشاغی هر بررلری برر فصلده بیان اولنه جغندن
باب ثالث دخی اوچ فصلی مشتمل اولور

❦ فصل اول اسمای فارسیه بیانده در ❦

اسمای فارسیه دخی اسمای ترکیه کی ایکی قسمدر
(علم اسم جنس) علم (رستم و بهرام) کی اسم
جنس (شیر و پلک) کی لسان فارسیده دخی تأنیث
و تذکیر معتبر اولمادیغندن بعض کره بر شیئک ارکک اولدیغنی
بیان ایچون اسملرک آخرینه نونک قحیله (نر) لفظی علاوه
و دیشی اولدیغنی اشعار ایچون (ماده) لفظی زیاده
قلنه رقی (شیر نر شیر ماده) دنیلور که ارکک ارسلان
دیشی ارسلان دیمکدر

اسمای فارسیه کیت جهتیله دخی ایکی قسمدر (مفرد . جمع)
(مفرد) یالکز بر شیئی افاده ایدن کلمه لر در (دست
و مست) کی

(جمع) بردن زیاده شیئی افاده ایدن صیغه لر در که حیات

و نمایه دلالت ایدن اسملرک آخرنه بر (ان) زیاده سیله
 حاصل اولورلر (مردان مرغان درختان) کبی
 فقط جمع قلنه جق کلمه لرك آخرنده اکر (های) رسمیه
 بولنور ایسه اول (ها) کاف فارسی یه تبدیل اولنوب
 (خواجکان بندکان) دینلور کذلک (الف)
 و یاخود (ی) بولندیغی حالده ادات جمعدن اول برده
 (ی) زیاده قلنق لازمدر (آشنایان و بدخویان) کبی
 بوصورتله یاپیلان جملرک آخرنه بعض کره بر (های)
 رسمیه زیاده قلنوب (شاهانه ماهانه) دینلور که
 تشبیه معناسنی افاده ایدر حیات و نمایه دلالت ایتیمان
 اسملر دخی بر (ها) علاوه سیله جمع قلنورلر (کوشه ها
 و میوه ها) کبی فقط بولنر لسان عثمانیده مستعمل دکادر
 (اسمای فارسیه) آخرنه لاحق اولان اداتلر اعتبار یله
 دخی اوچ نوعدر (اسم منسوب . اسم مکان . اسم وصفی)

اسم منسوب

اسمای فارسیه و عربیه نك آخرنه بر (یای) نسبیه
 و یاخود (مند . وار . سار . ناك) اداتلرندن برینک
 علاوه سیله یاپیلور (شیرازی . دردمند . غمناک .
 شرمسار) کبی فقط (یای) نسبیه علاوه سیله یاپیلان
 اسم منسوبلرک آخرنده (های) رسمیه بولنور ایسه

یادن اول برده (و) کتوريله رك (مکه وی بصره وی)
 دینلور بعض کره تأکید ایچون یادن صکره برده (ن)
 علاوه قلنور (رنکین و شیرین) کبی

اسم مکان

اسمرك آخريته (ستان . زار . سار . گاه) ادا تلرندن
 برينك علاوه سيله ياپيلور (کاستان . لاله زار . خاکسار
 شمعدان . نمازگاه . ودستگاه) کبی (گاه) ادا تی بعض
 کره دخی زمان افاده ايدر (سحرگاه و صبحگاه) کبی که
 بونلره اسم زمان دینلور

اسم وصفی

اسمرك آخريته (کار . کر . بان) ادا تلرندن برينك
 علاوه سيله ياپيلور (ستمکار . باغبان . زرکر) کبی
 * فصل ثانی افعال فرعیه بیاننده در *

معلوم اوله که لسان فارسیدن آنه رق ترکیه ده قولانیلان
 فعل فرعیلر دخی اوچ نوعدر

(اسم فاعل . اسم مفعول . صفات مرکبه) فقط
 بونلرک کیفیت اشتقاقی مصدرلری بیلکه توقف ایلدیکندن
 مصادر فارسیه هر قدر لسان ترکیده مستعمل دکل ایسه ده
 فعل فرعیلرک صورت اشتقاقی بی بیان صره سنده آنلرک
 دخی اجمالا ذکر می مناسب کورندی

شویله که مصدر فارسی آخری (دن) و یاخود (تن)
 اداترلیله نهایتلن کلمه لردر که (دن) اداتیلله
 اولانلره (مصدر دالی) و (تن) اداتیلله اولانلره
 مصدر (تائی) دیرلر (پروردن و رفتن) کبی فقط
 مصدر دایلرده دالک ماقبلنده شو (ی ارن و) بش
 حرفدن بری و مصدر تایلرده شو (خ ش س ف) دیرت
 حرفک بری بولنمق لازمدیر (پریدن • افتادن • پروردن
 افشاندن • فرمودن • و افروختن • داشتن • دانستن •
 یافتن) کبی بوضورتده ادات مصدرک ماقبلنده حروف
 مذکورهدن بری بولنمقیغندن (شدن • زدن • آمدن) کبی
 کلملره شاذ دینلور ایمدی مصدر دایلرده ادات مصدر
 حذف اولنوب دالک ماقبلی (الف) و یاخود (ی) ایسه
 آنلر دخی حذف واکر (و) ایسه (الف یایه قلب) (ن)
 و یاخود (را) ایسه حالی اوزرینه ترك اولندقدده کذلک
 مصدر تایلرده ادات مصدر حذف اولنوب تانک ماقبلی
 (ح) ایسه (زایه) (ش) ایسه (رایه) (ف) ایسه
 (بایه) تبدیل (س) ایسه حذف ویا (هایه) و یاخود
 (یایه) تحویل قلندقدده اسم فاعلک ماده اصلیه می اولان
 امر حاضر صیغه سی حاصل اولورکه بونلرک آخزینه نون
 ساکنه ایله بر (نده) اداتی علاوه سیله اسم فاعل

صیغه لری یاپیلور (خواننده فرماینده سازنده دارندہ
خواهنده) کبی که جعلرنده (های) رسمیه (کافه) تبدیل
اولنہ رق آخرلرینہ بر (الف نون) زیاده سیلہ (خوانندگان
سازندگان) دینلور مصادر مذکورہ دن یالکز (ن) حذف
اولنوب یرینہ بر (های) رسمیه کتورلدکده اسم مفعول
صیغه لری حاصل اولور (پرورده فرمودہ ساختہ) کبی که
بونلرک دخی جعلرنده (فرمودگان ساختگان) دینلور

بروجہ مشروح حاصل اولان اسم مفعول و یا خود امر
حاضرلرک مفعوللری تقدیم قلنہ رق ترکیب اولندقدہ
بونلرک مجموعنہ دخی (صفت مرکبہ) دیرلرک کہ لسان
عثمانیدہ پک چوق قوللانیلور (خاطر شناس بنده نواز
ودلشکستہ) کبی و بعضاً دخی امر حاضرلرک اولارینہ
برادات نفی زیاده و یا آخرلرینہ یالکز بر (الف) و یا خود بر
(ان) علاوہ قلنہ رق برطاقم صفتلر یاپیلور کہ بونلرہ دخی
(صفت مشبہہ) دینلور (نادان خندان دانا کریان) کبی
و بعض کرہ دخی امر حاضرلرک آخرلرینہ ماقبلی مکسور
بر (شین) ساکنہ کتوریلہ رک برطاقم کلمہ لر
یاپیلور کہ بونلرہ دخی (حاصل مصدر) دیرلر (کشایش
بخشایش افزایش) کبی

(افعال فرعیہ جدولی)

مصادر	اسم فاعل	اسم مفعول	صفات مرکبہ	حاصل مصدر
آرامیدن	آرامنده	آرامیده	دل آرام	آرامش
کُشادن	کُشاینده	کُشاده	دل کُشا	کُشایش
پروردن	پرورنده	پرورده	بنده پرور	پرورش
خواندن	خواننده	خوانده	دور خوان	خوانش
فرمودن	فرماینده	فرموده	جهانفرما	فرمایش
سوختن	سوزنده	سوخته	داسوز	سوزش
داشتن	دارنده	داشته	مالدار	دارش
خواستن	خواهنده	خواسته	دخخواه	خواهش
آراستن	آراینده	آراسته	دلارا	آرایش
دانستن	داننده	دانسته	قدر دان	دانش
یافتن	یابنده	یافته	ظفر یاب	یابش

ادوات فارسیه	ترکی	فارسی
معناسنه ادات ابتدادر (ازهرجهت) کبی	دن	آز
معناسنه ادات تشبیهدر (عنبرآسا) کبی	کبی	آسا
ادات شرطدر مشترک اوله رِق قوللانیلور	۰۰۰	اگر
معناسنه تمنی مقامنده استعمال اولنور	عجبا	آیا
ادات ندادر مشترک اوله رِق قوللانیلور	۰۰۰	ای
(ای غافل انسان) کبی		--
معناسنه ادات استعلادر (برموجب نظام) کبی	اوزره	بر
معناسنه ادات تعلیلدر (برای خاطر) کبی	ایچون	برای
معناسنه ادات الصاقدِر (باراده سَنیه) کبی	ایله	با
معناسنه ادات نفیدرا کثری جامدلره داخل	سبز	بی
اولور (بی ادب) کبی		--
ادات استدراک و اضرا بدر مشترک	۰۰۰	بلکه
قوللانیلور		--
معناسنه ادات تفصیل و تفریعدر ماقبلنی	ایمدی	پس
تفصیل ایدر		--
معناسنه ادات انتہادر (تا بصباح) کبی	دک	تا
معناسنه ادات تفضیلدر (برتر فاضلتر) کبی	اک	تر
معناسنه ادات استفهامدر (چند نفر) کبی	قاج	چند

ادوات فارسیه	ترکی	فارسی
ادات تعلیل و شرطدر مشترك استعمال اولور	۰۰۰	چونکه
معناسنه ادا ت ظرفدر (در حال) کبی	ده	در
ادات شرطدر مشترك اوله رق قولانیلور	۰۰۰	کرچه
معناسنه ادا ت تنیدر (کاشکی او قومش اولیدم) کبی	باری	کاشکی
معناسنه استشنا موقعنده قولانیلور	یوقسه	مگر
معناسنه ادا ت تشبیهدر (لاله وش) کبی	کبی	وش
معناسنه ادا ت نفیدر اکثری مشتهقره داخل اولور (نادان) کبی	سز	نا
ادات مصاحبدر (همحال و همخانه) کی	۰۰۰	هم
معناسنه ادا ت سورددر (هر حالده) کبی	هپ	هر
معناسنه ادا ت حصرددر تعجیل مقامنده قولانیلور	انجق	همان
ادات تأکیددر اولنه بر (بای) مفتوحه	۰۰۰	همه
زیاده سیله قولانیلور (همه حال) کبی		
ادات نفیدر تأکید مقامنده استعمال اولور	۰۰۰	هیچ
ادات تردیددر (یا مکتبه کیت و یا خود بر صنفته کیر) کبی	ویا	یا خود

یونندسکره معلوم. اوله که ادوات ترکیه عربی و فارسی
 افظرینه لاحق اوله بیلور (خانه لر بیتلر خانه دن بیتدن)
 دینلور فقط عربی و فارسی اداتلری الفاظ ترکیه یه داخل
 اوله مدیغندن (اوات . اوها . فی او . دراو) دینله مز
 انجق بعض کره غلط اوله رق چفتلکات دیرلر کذلک
 ادات فارسیه الفاظ عربیه یه لاحق اوله بیلوب فقط
 ادوات عربیه الفاظ فارسیه یه داخل اوله مز بو صورتده
 (بیتها . دریت) دینله بیلوب (خانه وات .
 فی خانه) دیمک صحیح دکلدر فقط غلط
 اوله رق (خرده وات و سبزه وات)

دیرلر

در سعادت

مطبعه عثمانیه ده طبع اولمشدر

س ۱۳۰۱ نه

